


新刊道書全集呂純陽文集序

真仙之道自廣成授軒轅而其教遂行於世由是迄今代不乏人有高舉遠引而隱者有行道濟世而顯者其隱者世不可得而知其顯者出瑞

聖世化度有緣間有發爲詞章以吟詠道德若唐之呂純陽者殆顯而濟世者歟其所著詩文宋乾道間延平陳谷神已嘗印行其板歲久不存廣陽張子素氏有志於道者也恐真仙之事迹久或湮泯求諸善本特壽於梓以廣其傳葆和堂真士袁公熙真大嶽太和三山玄天玉虛宮提點任公自垣力贊其美工告成請余序其首簡余惟真仙之應化雖片言隻字皆有道以寓於其間世之學仙者苟能



國家圖書館, NATIONAL CENTRAL LIBRARY, TAIWAN, R.O.C.

3442461 v.36




因文以求義因義以明心冥符默會於言語文字之間真
積力久內行純熟陰功昭著以入乎清淨之境則此書豈
少補哉若徒以記憶爲工以資清談則非吾所知也是爲
序

永樂二十年歲在壬寅孟夏正一嗣教清虛冲素光祖演
道真人領道教事四十四代天師西歸翁張宇清書

自古學道而成仙者衆矣或飛昇或尸解乃夔然遽與世
隔往往有以起神仙渺茫之誚獨純陽真人首以開度群
迷爲誓嘗遊戲人間顯化不一雖三尺童子亦知其名而
慕其風也今觀所著詩歌談妙入玄無非窮理盡性以至
於命焉學者果能復熟而交參之既知有離宮修定之功
又知坎府求玄之祕則鍊已待時於寂然不動之中自然
有惑而遂通者在是雖凡夫亦可以立躋聖位孰謂神仙
不可以學得而從有渺茫之誚耶予夙慕真宗廣求仙訣
今偶得是集不欲祕藏願與同志共之夫其或者因文解
悟暗合玄宗庶足以副真仙開度群迷之初意云
太歲丙戌乾道貳年書雲日劍津谷神子陳得一序



生公心究玄門愛讀純陽呂公集喜其正斷十試九難諸
魔咸築基鍊已根極微妙奪天巧以成能至於陰陽坎離
鈴汞升墜之說以八卦運十二時而其要在艮以三田互
相反復而其要在泥丸皆至理存焉余每行必手携此卷
以玩顧塵心難滅學而未能者久之頃過邯鄲道中見呂
公祠入謁慨然想慕因得所刻枕中記三復之知盧生歟
黍就枕之夢與純陽黃梁未熟之夢相似鍾離之授呂呂
之授盧一也寵辱窮通得喪歟生之理盡於是者有能超
然了悟三乘九轉易易矣余謂是記當附於集末邯鄲楊
尹治邑有聲請鉞諸梓因叙其畧與修命修性志于玄學
者共之



國家圖書館, NATIONAL CENTRAL LIBRARY, TAIWAN, R.O.C.



嘉靖戊午歲夏五月朔旦蓬萊山北龍洲處士書于金臺寓舍

混混沌沌不計年一吸畧記五千言燒丹煉藥南山秀服
氣吞霞九海乾曾經幾度須眉濫數番滄海變來田陛下
問臣年多少先有吾身後有天稽首鍾離羣真領袖道天
地先身天地後顛倒乾坤縱橫宇宙唐朝呂仙祕訣親授
噴蓬壺碧落幾遨遊萬古丰神常似舊何處去浪苑瀛州
風細細何處來胡麻飯罷下天臺咄自從二祖談玄後海
上金蓮萬朶開

月朗風清一聲鐵笛

均山回首四海無跡

我家至道本無爲白雪壺中配坎離常飯三盃無事酒閒
行數着不爭棊抽添鉛汞存真體返本還元復命基會得



兩般歸一處到頭端的上天梯
正統十年歲次乙丑中元令節願素子拜書

新刊道書全集純陽呂真人文集目錄

卷之一

真人自記

真人本傳

枕中記

卷之二

神通變化

武昌賣墨

武昌鬻梳

水化成酒

墨化成金

紙中方竅


石上方竅

廣陵散錢


羅浮畫山

廬山淬劍

仙樂侑席



國家圖書館, NATIONAL CENTRAL LIBRARY, TAIWAN, R.O.C.



管片浮波

鱸魚再活

寶輪現相

更名顯相

回道士

回處士

回道入

回心回心

無心昌老

昌虛中

無上宮主

賓上人

谷客

同客人

守谷客

呂元圭

黃稷翁

卷之三

進謁儒門

謁丁晉公

謁張叅政

謁石守道

謁王嶽州

謁石舍人

巴陵犯節

經從道觀

神先繪像

遊太平觀

遊天慶觀

又天慶觀

遊戲僧寺


山寺艷婦

遊金鵝寺

遊廬山寺

開元賜金

大雲會食



市廛酒迹

邵城酒肆

汴京茶肆

兗州妓館

東都妓館

庵堂赴會

徽宗齋會

潭州鶴會

賈相齋會

江州掛搭

丹藥濟人

絳紗暴藥

趙州醫跛

岳陽貨藥

覺能得丹

金陵成痿

景物題詠

牧童賦詠

黃鶴樓詩

因緣會遇

何仙遇道

道友講經

永康酒樓

長溪飯店

廣陵妓館

青城鶴會

紹興道舍

白雲掛搭

孝感救母


江陵醫朕

成都持丹

德成得丹

七夕題詩

破仙遇詩



卷之四

七言

卷之五

七言

行巴陵市

卷之六

贈曹先生

題鳳翔府天慶觀

洞庭湖君山頌

捏土為香

哭陳先生

五言

海上逢趙同

劍畫襄陽雪中

秦州北山觀

贈陳處士

化候用晦磨劍詩

石榴皮寫句

別詩二首

贈符離道士

荅僧見

題僧房

六言

警世

發明古鐵鏡

題紫極宮

山隱

瑤頭坯歌

大雲寺茶詩

贈羅浮道士

題黃鶴樓石照

與智度寺慧覺

贈李希遇

明胎息

通道

題岳陽樓

閑題

勸世

敲爻歌



浪淘沙
促拍滿路花

蘇軾

卷之八

西江月
沁園春
醉江月

卜筮子
滿庭芳
水龍吟

浪淘沙 促拍滿路花

漁父詞
修身訣

夢江南
直指大丹歌

勉牛生
鄂渚歌記

谷神歌
秘訣歌

卷之七

寄白龍洞道人

贈劉方處士
贈喬二郎

三字訣

百字碑







新刊道書全集純陽呂真人文集卷之一

傳記

江州望江亭自記

閩浦城 雲石 楊良弼 校刊

吾京川人唐末三舉進士不第因遊江湖間遇鍾離子受
延命之術尋又遇苦竹真君傳日月交并之法久之適終
南山再見鍾離子得金液大丹之功年五十道始成身長
五尺二寸面黃白鼻聳直左眉有黑子服白襴衫繫皂絲
變化不可測或為進士或為兵世多稱吾能飛劍戮人者
吾聞之笑曰慈悲者佛也儂猶佛爾安有取人命乎吾固
有劍蓋異於彼一斷貪嗔二斷愛慾三斷煩惱此其三劍
也吾道成以來所度者何仙姑郭上竈二人性通羽吾授






新刊道書全集純陽呂真人文集卷之一

傳記

閩浦城 雲石 楊良弼 校刊

江州望江亭自記

吾京川人唐末三舉進士不第因遊江湖間遇鍾離子受
延命之術尋又遇苦竹真君傳日月交并之法久之適終
南山再見鍾離子得金液大丹之功年五十道始成身長
五尺二寸面黃白鼻聳直左眉有黑子服白襴衫繫皂絲
變化不可測或為進士或為兵世多稱吾能飛劍戮人者
吾聞之笑曰慈悲者佛也儂猶佛爾安有取人命乎吾固
有劍蓋異於彼一斷貪嗔二斷愛慾三斷煩惱此其三劍
也吾道成以來所度者何仙姑郭上竈二人性通羽吾授



國家圖書館, NATIONAL CENTRAL LIBRARY, TAIWAN, R.O.C.



之以歸相法吾嘗謂世人奉吾真何若行吾行既行吾行又行吾法不必見吾自成大道不然日與吾遊何益哉

真人本傳

呂嵒字洞賓世爲河中府永樂縣人會祖延之終浙東節度使祖渭終禮部侍郎父讓海州刺史貞元十四年四月十四日巳時生母就蓐時異香滿室天樂浮空一白鶴自天飛下竟入帳中不見生而金形木質道骨仙風鶴頂龜背虎体龍腮翠眉層稜鳳眼朝鬚鬚頰修顧露額潤身圓鼻梁登直面白黃白左眉角一黑子左眼下黑子筋頭大如功曹使者狀兩足下紋隱起如龜紋日記萬言矢口成文既長身五尺二寸喜頂華陽巾衣白黃欄衫繫大皂條

狀類張子房二十不娶始在襦祿馬祖見之曰此兒骨相不凡自是風塵表物他時遇盧則居見鐘則扣留心記取後遊於廬山始遇火龍真人傳天遁劍法自是混俗貨墨於人間號純陽子咸通中本進士第時年六十四歲一云十始知道〇六十四卦已後遊長安酒肆見一羽士青巾白袍長髯秀目手携紫笻腰掛大瓢書三絕句于壁一曰坐臥常携酒一壺不教雙眼識皇都乾坤許大無名姓踈散人中一丈夫二曰得道真仙不易逢幾時歸去願相從自言住處連滄海別是蓬萊第一峰三日莫厭追歡笑語頻尋思離亂可傷神閑來屈指從頭數得到清平有幾人洞賓訝其狀貌奇古詩意飄逸因揖問姓氏羽士曰吾鍾



離其姓權其名雲房其字洞賓再拜延坐異人曰可吟一絕予欲觀之洞賓筆不停綴書二十八字曰生日儒家遇太平懸纓重帶布衣輕誰能世上爭名利臣事玉皇歸上清異人見詩喜曰予所居在終南鶴嶺可從予此行否洞賓因隨雲房同憩四中雲房自起執吹洞賓忽欲昏睡枕案邊假寐以李子赴京狀元及第始自州縣小官擢朝署由是章諫給舍翰苑祕閣郎曹從豪諸清要无不備歷升而復黜上而復升前後兩娶富貴家女婚嫁早畢孫甥振振簪笏滿門如此幾四十年晁後獨相十年權勢熏炙忽被重罪籍沒家資分散妻孥流於嶺表一身孑然窮苦憔悴立馬風雪中方此浩歎恍然夢覺雲房在側吹尚未熟

笑曰黃梁猶未熟一夢到華胥洞賓驚曰君知我夢耶雲房曰子適來之夢升沉萬態榮悴多端五十年間一頃耳得不足喜喪何足憂且有太覺而後知此人間世其大夢也洞賓感悟慨歎知宦途不足戀矣再拜曰先生非凡人也願求度世術雲房詭曰子骨節未完志行未定若欲度世須更數世可也翩然別去洞賓快快自失棄官歸隱鄰郵夢乃盧生遇呂公事雲房自是十試洞賓皆過○第一試者洞賓自外遠歸忽見家人皆病次洞賓心無悼怛但備葬具而歿者皆起無恙○第二試者洞賓鬻貨于市議定其直市者翻然止酬其直之半洞賓無所爭併直之半皆不取委貨而去○第三試者洞賓元日出門忽丐者倚



門求施洞賓與以錢物而丐者索不已且出惡言嫚罵抽
刀相向洞賓再三禮謝披襟受刃丐者笑而去○第四試
者洞賓牧羊山中遇一虎追逐漸逼洞賓推羊下峻阪而
獨以身當之虎即釋去○第五試者洞賓獨居山中草舍
讀書一日危坐忽見一女年可十七八容華絕世光艷照
人粧飾靚麗自言歸寧母家至此迷路日云莫矣足弱倦
行借此少憩言訖顰眉嬌哢弱不自勝旣而窈窕萬態調
戲百端迨夜逼同寢而洞賓竟不爲動如是三日始辭去
○第六試者洞賓一日出郊簪歸則家資已爲劫盜席捲
殆無以供朝夕洞賓無愠色躬耕自給忽於鋤下見金數
十餅速檢之一無所取○第七試者洞賓見有貨銅器者

市之以歸則皆金也即訪賣主還之○第八試者有風狂
道士坊陌上市藥自言服者立效旬日不售洞賓謂此必
有意因買藥歸道士曰子速脩後事可也吾將行矣旣而
服之無恙○第九試者洞賓因春潦汎溢衆方病涉獨棹
一小舟至中流風濤掀舞而洞賓端坐不動任生任死竟
亦無虞○第十試者洞賓獨坐一室忽見奇形怪狀鬼神
無數有見擊者有欲殺者洞賓一切不問復有夜叉數十
械一从囚血肉淋漓哭泣彌呌言汝宿世殺我今急償我
命洞賓曰殺命償命宜也其又奚辭遽索刀繩欲自盡忽
聞空中叱聲鬼神皆不復見一人撫掌大笑而下乃雲房
也謂洞賓曰塵心難滅仙才難值吾之求人甚於人之求



通書全集
卷之六
吾也吾十度試子皆過了得道必矣但功行尚未有完吾
今授子黃白秘方可以濟世利物使三千功滿八百行圓
吾來度子洞賓曰所作庚辛有變異乎曰三千年後還本
質耳洞賓愀然曰誤三千年後人不願爲也雲房笑曰子
推心如此三千八百悉在是矣因與洞賓叙其得道來歷
曾遇苦竹真君謂曰汝此去遊人間若遇人有兩口者即
汝弟子吾後遍遊山海竟未見人有兩口者今詳君姓實
符苦竹之記矣又曰君能從我遊乎洞賓因隨之至鶴嶺
見一小洞星月交輝四顧寂寥雲房執洞賓手偕行終數
步恍如騎快馬歷山川俄頃已至洞南門下鑰矣雲房以
碧條繫洞賓帶俱從門隙中入豁然開朗登一高峰至一

大洞門東前有二虎踞守雲房叱之虎伏不動乃引洞賓
入金樓玉臺珍禽琪樹光景照耀氣候如春相與坐盤陀
石飲元和酒三盃談道未竟俄有一青衣雙髻金鈴朱裳
翠袂雲履玉珮異香氤氲手持璽紙金書曰羣仙已集蓬
萊上官嬰先生赴天池會論五元真人神遊記事雲房將
去洞賓送以詩曰得道來來相見難又聞東去幸仙壇杖
頭春色一壺酒頂上雲攢五嶽冠飲海龜兒人不識燒山
符子鬼難看先生去後身須老乞與貧儒換骨丹蓋慮雲
房之不返也雲房曰汝但駐此吾去不久遂望東南乘紫
雲冉冉而去洞賓遂將雲房所付素書數卷披閱誦玩獨
處洞中旬日雲房回曰子在此岑寂得無欲歸否洞賓曰



既辨心學道豈有家山思乎雲房曰善哉善哉汝等不知
分合陰陽之妙守陰則只是覓存陽則只是覓若能聚其
陽覓以合陰覓使陰陽相會魂魄同真是謂真人洞賓曰
覓覓冥冥至理甚深何以全形師曰慧發冥冥泰定神靈
神既混合豈不契真金形玉質本出精誠大藥既成身乃
飛輕○洞賓問天地曰乾三索而天交于地乃生三陽坤
三索而地交于天乃生三陰○中藏陰乃曰真陰真陰到
天因陽而生陰中藏陽乃曰真陽真陽到地因陰而發交
合得道自然長久○洞賓問日月曰月受日氣以陽變陰
陰極陽純月華瑩淨修煉到此積氣成神○洞賓問四時
五行曰一心自有五行一日自有四時大抵陰陽相推而

已陽不得陰不成到底無陰而不死陰不得陽不生成到底
陰盡而皆陽○洞賓問水火龍虎曰身中有君火臣火民
火真火出於水中恍恍惚惚其中有物視之不可見取之
不可得真水生於火中杳杳冥冥其中有精見之不可留
留之不可住腎水也水中有氣名曰真火心火也火中
液名曰真水以水生木腎氣足而肝氣生以絕腎之餘陰
而氣過肝時即為純陽藏真一之水恍惚名真龍以火尅
金心液盛而肺液生以絕心之餘陽而液到肺時即為純
陰藏真陽之氣杳冥名真虎氣中取水水中取氣曰得泰
大歸於黃庭此大丹也○洞賓問鉛汞曰鉛性沉重而喜
墜此腎水以潤下而易漏汞性輕飛而喜升此心火以炎



上而易散以鉛制汞以沉重而鎮輕飛內丹結矣○洞賓問抽添曰冬至後陽升于地地抽其陰太陰抽而為厥陰少陽添而為陽明厥陰抽而為少陰陽明添而為太陽夏至後陰降于天天抽其陽太陽抽而為陽明少陰添而為厥陰陽明抽而為少陽厥陰添而為太陰又如日月受日鬼日受月鬼前十五日月抽其鬼而日添其鬼精華已滿光照下土不然無初生而變上弦上弦而變月望也月還陰鬼日收陽精後十五日日抽其鬼而月添其鬼光照已謝陰鬼已定不然無月望而變下弦下弦而變晦朔也日月往復而變九六此抽添之象也○洞賓問河車曰人身陽少陰多無非是水故有取於河車之謬河車起於北

方正水中而非若旁門搬運力也○洞賓問內不坐忘之妙曰龍虎交媾陰陽配匹九皇真人引一朱衣童子下降九皇真母引一皂衣女子上升相見黃屋之前有一黃衣老嫗接引如夫婦之合盡時歡洽女復下降男復上升如夫婦之離既畢產一物大如彈丸色同朱橘拋入黃屋以金氣盛留○洞賓問如此修行有魔難否曰子知十魔九難乎衣食逼迫一難也思愛牽纏二難也利名縈絆三難也災患橫生四難也盲師約束五難也議論差別六難也志意懈怠七難也歲月蹉跎八難也時世亂離九難也一六賊魔二富貴魔三六情魔四恩愛魔五患難魔六神佛為害是聖賢魔七刀兵魔八女樂魔九女色魔十貨利魔



洞賓問云何證驗曰始也淫邪盡絕外行無修採藥之際金精充滿陰氣銷融次心經湧溢口出甘液次陰陽擊搏腹鳴如雷次魂魄未定夢寐驚恐次或生微疾不療自愈次丹田夜暖形容晝清次若處暗室而神光自現次若抱嬰兒而上金闕次雷鳴一聲關節通而驚汗四溢次玉液烹煉成凝酥而雪芒散墜或化血成乳而漸畏腥膻或塵骨將輕而漸變金玉次行如奔馬次對景無心次吹氣療疾次內觀明朗次雙睛如漆次紺髮再生次真氣足而常自飽次食不多而酒無量次神體光澤精氣秀媚次口生異味鼻有異香次目視萬里次癢痕銷滅次涕淚凝汗皆絕次三尸九蟲悉除次內志清高上合太虛凡情皆歇

心境俱空次鳬鳬不游夢寐自絕神采晶爽不分晝夜次陽精成體靈府堅固寒暑不犯生歟不干次噓呵可干外永次神光常生坐卧次靜中時聞天樂金石絲竹之清非世所常聞次內觀或游華胥樓臺殿閣之麗非世所常見次見凡人腥穢次見內神出現次見外神來朝功圓行滿膺籙受圖紫霞滿目金光罩體或見火龍飛或見玄鶴舞絳雲繚繞瑞氣繽紛天花亂墜神女下降出凡入聖逍遙自然此乃大丈夫功成名遂之日也○雲房悉傳以上真玄訣盡豁塵濁俄有叩戶者乃清溪鄭思遠與太華施真人由東南而來緩步凌虛體凝金碧相揖共坐曰契濶來久適尹思逸煉丹所遂造仙扉施真人曰此一侍者何也




師曰本朝呂海州讓之子少習儒墨失意上國邂逅長安
酒肆從吾奉道通陰陽制煉形神入妙之微洞賓乃拜二
仙鄭尹曰形清神在目秀精藏子欲脫塵網可示一詩授
洞賓金管霞箋靈膠犀硯洞賓立獻詩曰萬劫千生到此
生此生身始覺飛輕拋家別國雲山外煉魄全魂日月精
此見至人論九鼎欲窮大藥訪三清如今獲遇真仙面紫
府仙扉得姓名三仙相視嘆其才清句麗時春禽嚙嚙師
謂洞賓曰可於洞口題曰春氣塞空花露滴朝陽拍海岳
雲歸又謂洞賓曰吾朝元有期十洲羽客至玉京奏此功
行以陞仙階汝恐不久居此洞後十年洞庭湖相見取筆
於洞中石壁草書一十六字曰晝日高明夜月圓清陰陽

魂神混合上升擲筆告洞賓曰世間游行當施利濟之道
行滿功成復相際會○雲房又以靈寶畢法授洞賓始雲
房於終南石壁間得靈寶經三部上部曰元始金誥中部
曰元皇玉籙下部曰太上真元義凡數千卷雲房據其要
為畢法分十六科及六義蓋明陰中有陽陽中有陰天地
升降之道氣中生水水中生氣心腎交合之機以八卦運
十二時而其要在艮以三田互相復而其要在泥丸至
下手工夫姑借咽氣嗽液為喻而真氣口訣實在口傳心
授不在文字間也雲房又以靈丹數粒示洞賓曰此非世
間五金八石乃世間異寶合成雖有質而無形如雲如火
如光如影可見而不可執服之與人竟識合為一體輕虛



微妙非如有形之丹也復贈詩一章曰知君幸有英雲骨
所以教君心恍惚含元殿上水晶宮分明指出神仙窟大
夫遇真訣須要執持心猛烈五行匹配自刀圭執取龜蛇
顛倒訣三尸神須打撒進退天機明六甲知之三要萬神
歸來駕火龍離九關九道至成真日三界四府朝元節
氣翱翔今神烜赫蓬萊便是吾家宅羣仙會飲天樂喧雙
童引入昇玄客道心不退故傳君立誓約言親酒血逢人
今莫亂說遇友今不須談莫怪頻發此言辭輕慢必有陰
司折執手相別意如何今日爲君重作歌說盡千般玄妙
理未必君心信也麼子後分明說與汝保惜吾言上大羅
鍾呂授受將畢忽有二仙綃衣霞綵手捧金簡寶符云上

帝詔鍾離權爲九天金闕選仙使謂洞賓曰吾即昇天汝
好住世間修功立德他時亦當我洞賓再拜曰崑山之志異
於先生必須度盡天下衆生方上昇未晚也於是翔鸞彩
鳳金幢玉節仙吹嘹唳鍾離先生與捧詔二仙乘雲冉冉
而去洞賓既得雲房之道又得火龍真人天遁劍法一斷
煩惱二斷色慾三斷貪嗔嘗有詩曰昔年曾遇火龍君一
劍相傳伴此身天地山河從結沫星辰日月任停輪須知
本性綿多劫空向人間歷萬春昨夜鍾離傳一語六天宮
殿欲成塵洞賓初遊江淮試靈劍遂斬長蛟之害隱顯變
化不一迨今四百餘年其對雲房發大誓願至今浮沉濁
世行化度人洞賓今雖在世然已出離世間矣洞賓曰世



人競欲見吾既見吾而不能行吾言雖日夕與吾同處何益哉人若能忠于國孝友于家信于交友仁于待下不慢自心不欺暗室以方便濟物以陰陽格天人愛之鬼神敬之即此一念已與吾同雖不見吾猶見吾也蓋人之性念於善則屬陽明其性入于輕清此天堂之路念於惡則屬陰濁其性入于粗重此地獄之階天堂地獄非果有主之者特由人心自化成耳宋藝祖建隆初洞賓自後苑出對上稱朱陵上帝以火德王天下留語移時語秘不傳上解赭袍玉帶賜之俄不見上命繪像于太清樓道錄陳景元傳其像於世政和中宮禁有崇白晝現形盜金寶好妃嬪獨上所居無患自林靈素王文卿諸侍宸等治之息而復

上上精齋虔禱奏詞凡六一日晝寢見東華門外有一道士碧蓮冠紫鶴髦手持水晶如意前揖上曰臣奉上帝命來治此崇良久一金甲丈夫捉虜而啗之且盡上問丈夫何人道士曰此乃陛下所封崇寧真君關羽也上勉勞再四復問張飛何在羽曰飛乃臣累劫兄弟世世為男子身今已為陛下生于相州岳家他日輔佐中興飛將有功焉上問卿姓名曰臣姓陽四月十四日生夢覺錄之召侍宸言之意其為洞賓也自是宮禁帖然遂詔天下有洞賓香火處皆正妙通真人之彌蓋自此始其詞曰朕嘉興民偕之大道凡厥仙隱具載冊書而况默應禱祈宜示恩寵呂真人匿景藏文遠邇游方逮建福庭適有寓舍歎茲符契




錫以號名神明儼然尚垂昭鑒可封妙通真人塑像於景
靈宮歲時奉祀焉

先生或遊金闕或居洞天屬以度人願重常在世間神
通妙用千變萬化不可勝言謹錄于左

枕中記

開成七年道士有呂翁者得神仙術行邯鄲道中息邸舍
擗帽弛囊而坐俄見旅中少年乃盧生也衣短褐乘青駒
將適於田亦止旅中與翁共席而坐言笑殊暢久之盧生
名英顧其衣紫弊褻乃長嘆息曰大丈夫生世不諧困如
是也翁曰觀子形體無苦無應談諧方適而嘆其困者何
也生曰吾苟此生耳何適之謂翁曰此不謂適而何謂適

答曰士之生世當建功樹名出將入相列鼎而食選聲而
聽使族益昌而家益肥然後可以言適乎吾嘗志於學富
於游藝自惟當年青紫可拾今已過壯猶勤畎畝非困而
何言訖而目昏思寐時主人方蒸黍翁乃探囊中枕以授
之曰子枕吾枕當令子榮之如志其枕青氈而寢其兩端
生俛首就之見其寢漸大明朗乃舉身而入遂至其家數
月娶清河崔氏女女容甚麗生質愈厚生大悅由是衣裝
服馭日益鮮盛明年舉進士登第釋褐秘校應制渭南尉
尉俄遷監察御史轉起居舍人知制誥三載出與同州遷
陝郊生性好上功自陝西鑿河八十里以濟不通邦人利
之刻石紀德移節汴洲領河南採訪使徵為京兆尹是歲



官叙過蒙殊獎特被鴻私出擁節旌入昇台輔周旋中外
綿歷歲時有忝天恩無裨聖化負乘貽寇履薄增憂日懼
一日不知老至今年逾八十位極三事鍾漏並歇筋骸俱
耄彌留沉頓待時益盡顧無試效上答休明空負深思永
辭聖代無任感戀之至謹奉表陳謝詔曰卿以俊德作朕
元輔出擁藩翰入贊雍熙昇平二紀實卿所賴比嬰疾疹
日謂塗平豈斯沉痾良用憫惻今令驃騎大將軍高力士
就第候省其勉加鍼石爲予自愛猶冀無安期於自瘳是
夕薨盧生欠身而寤見其身方偃於邸舍呂翁坐其傍主
人烝烝未熟觸類如故生蹶然而興曰豈期夢寐也翁謂
生曰人生之適亦如是夫生慨然良久謝曰夫寵之道窮
通之運得喪之理死生之情盡知之矣此先生所以室吾
欲也敢不受教稽首再拜而去



新刊道書全集純陽呂仙人文集卷之二

閩浦城 雲石 楊良弼 校刊



神通變化

武昌賣墨

洞賓遊武昌詭為偵墨客墨一笏僅寸餘而價錢三千連日不售衆咸笑侮有鼓刀王其曰墨小而價高得無有意耶自以錢三千求一笏且與客劇飲醉歸昏睡午夜俄有叩戶者乃客以錢還之辭去比曉視墨乃紫磨金一笏上有呂字遍尋客已不復見

武昌鬻梳

洞賓遊武昌天心橋詭姓名鬻梳木梳索價千錢連月不



新刊道書全集純陽呂仙人文集卷之二

閩浦城 雲石 楊良弼 校刊


神通變化

武昌賣墨

洞賓遊武昌詭為偵墨客墨一笏僅寸餘而價錢三千連日不售衆咸笑侮有鼓刀王其曰墨小而價高得無有意耶自以錢三千求一笏且與客劇飲醉歸昏睡午夜俄有叩戶者乃客以錢還之辭去比曉視墨乃紫磨金一笏上有呂字遍尋客已不復見

武昌鬻梳

洞賓遊武昌天心橋詭姓名鬻梳木梳索價千錢連月不



大集卷之三
售俄有老媪行乞年八十餘龍鍾偃僂禿髮如雪洞賓謂
曰世人循目前襲常見吾客價償微穢物豈無意而子萬
人咸無超卓之見尚可與語道耶乃以梳為媪理髮隨梳
隨長鬢黑委地形容變少衆始神之爭以求梳洞賓咲曰
見之不識識之不見乃投梳橋下化為蒼龍飛去洞賓與
媪不見

水化成酒

馬善東都人廬寧初舉進士不第學道一日與一疾道人
行汴水見一羽士青巾布袍體秀骨異目如明水面無塵
上馬召啜茶且飲食之疾性素嚙吒之羽士曰吾有不死
法疾詰之羽士曰汝有何法疾曰飛符召鬼點石化金歸

錢返壁羽士曰子所為皆非正法侯曰子何能曰吾能壯
吾氣清吾神侯曰何謂壯吾氣羽士曰但試觀之乃吐氣
射酒肆去燭數十丈而燭立滅復吐氣吹疾面若驚風大
發凜凜不可支二人起謝曰先生非凡人也幸見教羽士
曰學仙須立功行功即勤苦修煉行即濟人利物侯曰弟
子平生以藥濟人非功行乎羽士曰子殺物命以救人命
是殺彼以生此也不若止用符水愈疾自佳語及曙羽士
別去曰吾將返湘水之濱矣與子酌別于柳陰下以百金
令侯市酒適無酒羽士以瓶一隻命侯取汴水一瓶以藥
一丸投之立成美酒三人共飲大醉羽士留詩一章曰三
口共一室室畔水徧清生來走天下即是姓兼名既別二



人思之乃洞賓也

墨化成金

韓忠獻公瑞晚年始延方士洞賓鶚衣垢面求謁韓意輕之曰汝何能解曰能墨試令爲之即掘地坎洩焉韓不悅洞賓和操坎中泥爲墨曰成矣遂去公徐取墨視之乃良金也上有呂字破之徹肌理韓追悔無已


紙中方竅

監文思院趙應道病瘵幾委頓泣別親舊曰吾死矣夫閨閣中一物皆捨得獨鶴髮老親無托奈何語未竟俄有道人扣門語趙曰病不難愈也取紙二幅各指其中爲二方竅徑可二尺許以授趙曰俟夜燒一幅灰之調乳香湯

塗病上留一幅以待後人言訖道人不復見矣始悟兩方竅乃呂字也

石上方竅

梓潼婁道明家富善玄素術常蓄少女十人總有孕即遣去復置新者常不減人之數晝夜迭御無休息而神清體健面若桃紅或經日不食年九十有七止如三十許人尤好夸誕大言對客會飲或言玄女送酒或言素女送果或言彭祖容成輩遺書自以爲真仙也一日洞賓詭爲乞人簪門姿不識之叱使去洞賓以兩足踏石上遽成兩方竅深可三寸婁始驚異延置坐右曰子非凡人也出侍女歌游仙詞命之酒洞賓口占望江南詞酬之曰瑤池上瑞霧



藹羣仙素練金童鏘鳳板青衣玉女嘯鸞笙身在大羅天
沉醉處縹緲玉京山唱徹步虛清燕罷不知今夕是何年
海水又桑田侍女進蜀牋請書洞賓自紙尾倒書徹紙首
字是不遺空隙晏大驚喜方欲請問道要洞賓曰吾已口
口相傳矣晏請益復曰吾已口口相傳矣俄登門外大相
樹杪不見後數日晏忽不快吐膏液如銀者數斗而卒曰
口相傳之說與夫石上兩方竅皆昌字也

廣陵散錢

洞賓常遊廣陵市以十千錢散之坊陌暨翼日晚視之十
千拾者無遺止遺其三一落泥中一落草中一落井中磚
石縫去井口三寸許東後有兩人汲水見而爭取之復嘆


世人財利之心如此也

羅浮畫山

洞賓遊羅浮朱明觀至小菴中值道士他出獨一小童在
童揖曰先生坐此乎遂竊道士酒以獻洞賓滿引使小童
盡其餘童不屑童素患左目內障洞賓以所餘酒嚙其目
忽然開明若素無患者乃取筆畫一山于壁山下作池三
口謂童曰汝飲吾酒則得仙矣不飲命也然亦當享高壽
言訖飛入石壁隱去及道士歸見所畫山徹壁內外大驚
曰山下三口乃崑字非呂先生乎後童果百五歲而終

廬山泮劍

洞賓游江州廬山真寂觀臨砌泮劍道士侯用晦問之曰



先生劍何所用曰地上一切不平事以此去之侯心異之以酒果召飲謂曰先生道貌清高必非風塵中人洞賓曰且劇飲無相窮詰既醉以筋頭書劍詩一首于壁曰欲整鋒鉞敢憚勞云云見第六卷題畢初見若無字而墨迹燦然透出壁後侯大驚再拜因問劍法曰有道劍有法劍道劍則出入無形法劍則以術治之者此俗眼所共見第能除妖去祟耳侯曰今以道劍殺戮好人于稠衆中得不駭俗乎曰人以神爲母氣爲子神存則氣聚神去則氣散但戮其神則去其氣而人將自沒或假於人皆此類也侯嘆曰此真仙之言也願聞姓氏曰吾呂嵒也言訖因擲劍于空中隨之而去

仙樂侑席

陳中執中建甲第東都親朋合樂俄有襍禮道士至即洞賓也陳公問曰子何技能曰我有仙樂一部欲奏以侑華席腰間出一軸畫掛于柱上繪仙女十二人各執樂器道士呼使下如人累累列于前兩女執幢幡以導餘女奏樂皆玉肌花貌麗態嬌首頂七寶冠衣六銖衣金珂玉珮轉動珊珊然鼻上各有一粒黃玉如黍大而體甚輕虛終不類生人樂音清徹煙霄曲調特異三閱竟陳曰此何物女子道士曰此六甲六丁玉女人學道成則身中三龜七魄五臟六腑諸神皆化而爲此公亦願學否陳以爲幻惑頗不快道士顧諸女曰可去矣遂皆復上畫軸道士取軸張口



吞之索紙筆大書曰曾經天上三千劫又在人間五百年
腰下劒鋒橫紫電爐中丹焰起蒼煙繞騎白鹿過滄海復
跨青牛入洞天小枝等閑聊戲爾無人知我是真仙末題
曰谷客書即出門俄不見陳謂谷客乃洞賓也悔恨欲挾
目未幾謝世

管片泛波

淥江筆師翟某喜接方士洞賓往謁之翟館于家禮遇殊
至自是往來彌年一日挈翟游江之潯噉筆管爲二片浮
於波上洞賓覆其一引筆師効之翟師怖不敢前洞賓笑
而濟及岸俄不見翟始知其異人也旬浹復來自挈飲食
食翟皆臭腐也翟拊臬謝弗食洞賓太息曰若不能惡食


吾以肉醬兩甌遺君遂去不復見開視醬甌皆燹金也兩
甌者非兩大甕之類乎

繪魚再活

洞賓游廬山酒肆見剖魚作鱸曰吾令此魚再活鱸者不
信洞賓以藥一粒納魚腹中良久跳躑如生鱸者驚試放
於江圍圍洋洋悠然而逝覓洞賓不見

寶輪現相

紹興中一縣官喜道術建大齋寶錄宮方士大集角技能
洞賓詭姓氏寓焉自贊其能異衆取藥少許寘諸掌吹數
過俄紅暈四溢成寶輪相現洞賓二字衆大愕覓之已不
見矣



懷孕師尼

景定甲子衡州衡嶽觀以三月三日亥帝生辰設醮先一日有懷孕師尼至觀求宿眾惡其厭穢拒之不可令宿門外中夜聞孩聲乃尼產焉主者大怒次早尼抱孩欲入醮壇觀看眾拒之門外拖曳逾時尼以孩擲地鮮血濺地尼飛入空中拍掌大笑而去視孩則葫蘆血則硃砂也葫蘆內有回仙兩字乃大驚更名顯化

回道士


滕宗諒子京謫守巴陵洞賓詭為回道士上謁風骨聳秀談論俊辯子京異之口占詩贈之曰華州回道入來到岳陽城別我遊何處秋空一劍橫洞賓大笑俄不見子京使人繪其像置于岳陽樓

回處士

尚書郎賈師雄藏古鐵鏡嘗欲淬磨洞賓稱回處士謁焉乞試其枝筭中取少許置鏡上辭去曰俟更取藥來追之已不見但見所寓太平寺扉上題詩曰手內青蛇凌白日云云見第六卷視鏡上藥已飛去一燕光明如玉

回道人

洞賓遊長沙詭為回道人持小瓦罐乞錢得錢無筭而罐常不滿人皆神之一日坐市道上言有能以錢滿吾罐者當授以道人爭以錢投罐竟不滿有僧驅一車錢戲曰汝



罐能容之否道人唯唯及推車入罐憂憂有聲俄不見僧
曰神仙即幻術耶道人曰占詩曰非神亦非仙非術亦非
幻天地不終窮桑田幾遷變身固非我有財亦何足戀曷
不從吾遊騎鯨騰汗漫僧益驚疑欲執之道人曰若惜此
錢取吾今償你取片紙投罐祝曰速推車出良久不出曰
非我自取不可因跪入罐寂然僧擊罐碎有片紙題一詩
曰尋真要識真見真渾未悟一笑再相逢驅車東平路僧
悵然歸次東平忽見道人曰吾俟君久矣以車還之錢皆
在曰我呂公也始謂汝可教今惜錢之念如此不可也僧
方悔謝不及矣

回心回心

安豐縣娼曹二香染惡疾爲邸以舍往來客洞賓詭爲寒
士托宿僕以其褴褛拒之二香曰吾既立此門戶垢淨何
擇焉遂延入殊禮遇之居無何曹疾作呻吟良苦洞賓以
筋鍼其股曰回心回心時門外有一皂角樹久槁死洞賓
投以藥即別翼日樹再生枝葉甚茂曹始悟其爲神仙而
回心者呂也即毀冠服去粉黛弃家遠遊人爲建呂先生
祠奉祀焉紹興末曹忽還鄉頗狀秀異人無識者乃自言
本未復去不知所終

無心昌老

橫浦大庾嶺有富家子慕道建庵接雲水土多年一日衆
建黃錄大齋方罷忽有一檻樓道人至求齋衆不知恤或



加凌辱道人題一詞曰暫遊太便白鶴飛來誰共語嶺畔
人家曾見寒梅幾度花春來春去人在落花流水處花滿
前蹊藏盡神仙人不知末書云無心昌老來五字作三樣
筆勢題畢竟入雲堂良久不出迹之已不見仆視其字深
透壁後矣始知昌字無心乃昌公也眾共歎惋

昌虛中


微廟時有一道人自稱昌虛中往來諸琳宮動履怪異飲
酒無量啖生魚肉至數十斤飲冷水數十斛天大雨雪平
地七八尺餘自埋于雪中旬日不出雪霽復起行於深潭
水面如履平地又善草書作枯藤遊絲勢一舉筆數千絡
繆不斷人爭攜楮以請往往不與昌字虛中昌字也

無上宮主

全州道士蔣暉志行高卓洞賓謁之適蔣他出洞賓題詩
于壁曰醉舞高歌海上山天飄承露結金丹夜深鶴透秋
空碧萬里西風一劍寒書云無上宮主訪蔣暉作遂去暉
歸大驚曰宮字無上呂翁也追之不可得

賓上人

青城山丈人觀黃若谷風骨清峻戒行嚴潔常以天心符
水三光正炁治疾良驗而得人錢帛即以散施貧乏洞賓
詭為賓法師上謁留月餘所作符篆往往吹起皆為龍蛇
雲霧飛去治鬼召將必現其形通人言語足踏成雷目瞬
成電呵氣成雲噴唾成雨又善畫不用筆墨但含墨水噴



紙帛上自然成山川花木宮室禽獸人物之狀畧加拂拭而已每畫得錢即市酒與若谷痛飲若谷飲素無量每為賓所困一日若谷問曰先生操行異常人必自神仙中來還可語吾道否曰子左足北斗七星缺其一矣能成道耶更一生可也若谷驚曰賓公殆聖人矣蓋其左足下有黑子作北斗七星狀而缺其一未嘗為人所知故也復問壽幾何洞賓倒書九十四字于壁作兩圓相圍之即別去始悟兩圓相乃呂字而賓姓其字也後若谷四十九歲卒果符倒書之識

谷客

元豐中東京有道人稱谷客與布衣滕忠同飲酒將起以


藥一丸遺滕滕素有風癖服之即愈遂別又二年於揚州開明橋東遇谷客坐水次招滕滕取路跨橋而往至則無所覩始悟其為洞賓也快快未幾卒矣

同客人

熙寧中江南有李先生者自號同客人持苳笠輪竿敲短板唱漁家傲又為鳴榔之聲以叅之音清悲激如在青霄其詞曰二月江南山水路李花零落春無主一箇魚兒無處處風和雨玉龍生甲歸天去人或與錢不愛與酒即不辭後以甲辰二月終瘞之無尸始悟同客人者即呂洞賓也

守谷客

崔中舉進士道過巴陵旅寓邸歌沁園春樂章洞賓適以



補蹊隱市井間質其所歌曰何曲也崔曰東都新聲也曰
吾不解書子爲書吾詞崔爲書其詞曰七返還丹在人先
須煉已云見崔問姓氏曰吾生江口長山口今爲守谷
第入卷客翌旦訪太守言之此呂洞賓也亟令召之叩其戶應聲
漸遠再呼不應排戶而入置無人矣壁有詩曰腹內嬰兒
養已成云見崔與太守欺恨而已


呂元圭

洞賓遊江夏詭爲呂元圭往來居民楊氏家爲人言禍福
事甚驗一日忽辭去曰惡人至矣吾將避之是夕提點刑
獄喻某行部至鄂首覓呂已不見得其平日所與往還者
岑文秀詰其所得岑曰無有喻屬以聲色將罪之岑答如

故喻命搜其家得所遺卷長歌一首論內丹事喻省之曰
此呂先生也元圭者拆先生二字耳惡人者謂喻迫之云

黃襖翁

長沙鍾將之仲山嘉定已巳自金陵罷官歸丹次巴陵南
津晡時俄覩一舟過焉舟中一黃襖翁風貌奇龐凝然佇
立熟視仲山良久仲山窺其蓬中無他物惟船頭有黑瓶
罐十枚蓬前兩青衣童參差立仲山意其必徑渡既而僅
行二丈許即回楫而黃襖翁已復端坐蓬後矣再熟視仲
山良久俄失船所在仲山始謂爲巨商不與之語至是恍
然驚訝知其爲異人也翼旦往呂仙庵拜禮真像果儼然
衣黃衣亦有两青童侍側而其貌則皆與昨日所見者惟



肯也仲山自恨凡目不識真仙感歎無已周星作水調歌
頭詞有更似南津港再遇呂公船之句次年下世仲山之
孫嘗出共祖所繪黃檗翁真示余誠為清峻絕俗云

新刊道書全集純陽呂真人文集卷之三

進謁儒門


謁丁晉公

閩浦城 雲石 楊良弼 校刊

丁晉公謂倅鄱陽洞賓作一秀才往謁曰吾唐呂渭之孫
也經史百家無不通究因與晉公言君狀貌大似李德裕
他日出處皆如之後晉公果大拜而竄海外信似贊皇矣

謁張參政

張公洎早年家居洞賓謁之與公洎講周易併言孟子存
心養性之旨公洎在後文章日進因索紙筆作八分書詩
一章微示他日將佐鼎席之意卒章曰功成當在破瓜年



肯也仲山自恨凡目不識真仙感歎無已周星作水調歌
頭詞有更似南津港再遇呂公船之句次年下世仲山之
孫嘗出共祖所繪黃檗翁真示余誠為清峻絕俗云

新刊道書全集純陽呂真人文集卷之三

進謁儒門


謁丁晉公

閩浦城 雲石 楊良弼 校刊

丁晉公謂倅鄱陽洞賓作一秀才往謁曰吾唐呂渭之孫
也經史百家無不通究因與晉公言君狀貌大似李德裕
他日出處皆如之後晉公果大拜而竄海外信似贊皇矣

謁張參政

張公洎早年家居洞賓謁之與公洎講周易併言孟子存
心養性之旨公洎在後文章日進因索紙筆作八分書詩
一章微示他日將佐鼎席之意卒章曰功成當在破瓜年



後張果參政後十六歲卒以破瓜爲二八蓋其識也

謁石守道

石介守道爲國子監直講一方士稱回叟上謁袖出詩曰
高心休擬鳳池遊朱紱銀章寵已優莫待禍來名欲滅林
泉養浩預爲謀石遜謝不悟其肯延以酒食日將夕叟辭
石留之宿曰吾孤雲野鶴安可留也既其暮年因賊孔直
溫謀逆石嘗有書與之坐貶卒


謁王岳州

太常博士王綸守岳州有圃道上謁貌清癯短褐不揜骭
語音清圓綸問世系回曰世系不必問所請教者奕碁耳
與奕綸素號國手至是連負日云暮乃酌以酒問何方人

回書詩曰仙籍班班有姓名蓬萊倦客呂先生凡人肉眼
知多少不及城南老樹精綸驚訝間已失之矣庭下煙雲
滃然移時不散

謁石舍人

石舍人王休因避暑有檻樓樵夫持斧而前眉目秀整議
論清快石問鄉里及世系曰老夫生于河南移居于終南
山呂渭之裔也所學者莊子老子此外無所爲石曰終南
有佳處曰佳處甚多因舉陶隱居詩曰終南何所有所有
惟白雲只可自怡悅不堪持贈君石異之款留二日極談
出有入無超生離死之法將別曰吾將往岳陽以丹一粒
遺石服之年九十餘面如嬰兒



巴陵犯節

洞賓行巴陵市太守出犯節前驅執之太守置諸獄令書
款日追晡無一辭吏趣之洞賓曰湏我酒醒吏曰汝不憂
罪尚以酒爲解也言未竟俄失之但遺一幅紙曰暫別蓬
萊海上遊云云見第五卷太守嘗曰此呂翁也夙興焚香謝過一
日於水盆中見馬亟召畫史圖之與滕子京本絕類也

經從道觀

神光繪像

洞賓遊山陽神光觀丐筆自繪已像於三清殿北墻眉目
修整貌古恠不類世所傳上有北斗七大星君相被髮重
珪立傍作一符徑丈餘書曰元祐二年作如知吾下筆處


可以語道人以疾刮符服之往往良已或見神人儀觀甚
偉曰吾神光符使也訴暴露以幕區之

遊太平觀

江州太平觀道士有高志洞賓訪之贈詩曰落魄薛高士
年高無白髭雲中間卧石山裏冷尋碑誇我飲大酒嫌人
說卜詩不知甚麼漢一任輩流嗤末小書云回道人同三
客訪薛練師作始知洞賓併寓其字

遊天慶觀

宿州符離縣天慶觀有甯道士少年談老莊有奇趣一日
晨興有賣藥道人至卽洞賓也儀狀雄偉往來彌月因有
老莊之要旨授道士曰吾觀禪學皆出於老莊縱千經萬



卷反復議論要自立箇門庭源流授受其實皆本於老莊
之旨也臨別題一絕句於扉上作大篆體勢飛動一日秋
景蕭條葉亂飛云云見第六卷二曰肘傳仙篆千年術云云見第六卷
去人爭刮以治疾良已字入木寸餘墨迹不涸

又天慶觀

洞賓遊秦州天慶觀時道流悉赴鄰郡醮席獨一小童在
洞賓求筆欲書壁童辭以觀堂新修師戒毋汚壁乃曰但
煩貯火殿爐欲禮三清既往見殿後池水清泚以瓜書壁
書曰石池清水是吾心云云見第六卷末題云回後養書壁絕高
非手所能及衆嘆異始悟回爲呂後養者先生反對


遊戲僧寺

山寺艷婦

洞賓嘗遊山寺以劍化作一艷婦入寺僧行縱觀神馳志
喪過雲堂前有一僧方趺坐獨不顧竟出門似若不動心
者吾以爲可教既出門則已候于無入之地意欲要而挑
之女色蠱人罪根難滅此第一障道因緣也

遊金鵝寺

洞賓抵四明金鵝寺顧方丈蕭然頃有童子出呂問此何
家寥曰莫道寥寥虛空也遂佳其言題詩於壁云方丈有
門出不鑰見箇山童露雙腳問伊方丈何寂寥道是虛空
也不着聞此語何欣欣主翁豈是尋常人我來謁見不得
見渴心耿耿生埃塵歸去也波浩渺路入蓬萊山杳杳相



思一上石樓時雪晴海濶千峰曉


遊廬山寺

廬山開元寺僧法珍坐禪二十年頗有戒行一日定坐見一道人來謁問曰師謂道惟坐可乎珍曰然道人曰佛戒貪嗔淫殺為甚方其坐時自謂無此心矣及其遇景遇物不能自克則此種心紛飛莫禦道豈專在坐乎因與珍歷雲堂見一僧方酣睡謂珍曰吾偕子少坐於此試觀此僧良久見睡僧頂門出一小蛇長三寸餘緣床足至地遇涕唾食之復循溺器飲而去及出軒外度小溝繞花臺若駐翫狀復入度一小溝以小溢而返道小當其來徑以小刃插地迎之蛇見畏縮尋則往至床右足循僧頂而入睡僧

遽驚覺問訊道人及邱曰吾適一夢與一子言之初夢從左門出逢齊供甚精食之又逢美酒飲之因寒震渡門外小江逢美女數十恣觀之復欲渡一小江水驟漲不能往逢一賊欲見殺走從捷徑至右門而入遂覺道人與珍大笑而謂珍曰以床足為門以涕唾為供以溺為醞以溝為江以花木為美女以刃為賊人之夢寐幻妄如此珍曰為蛇者何道人曰此僧性毒多嗜薰染變化已成蛇相他日瞑目即受生於蛇中矣可不懼哉吾呂公也見子精忱可以學道故來教子珍遂隨之而往不知所終

開元贈金

袁州開元寺浴室有大井泉水甘冽洞賓愛之留連旬日



因與十僧款密僧朴野待之盡敬不知其為洞賓也臨行以墨牙笏贈僧藏之篋笥不復省一日李大臨轉漕江西部至袁尋僧問曰呂先生嘗贈汝金乎僧恍然曰我不識識呂先生但前有道人到此贈我墨耳初無金也出墨示大臨則墨即金矣大臨摩挲駭異欲以他金貿易之僧弗受但以一笏轉贈之且問轉運使何自知此李昨過零陵見何仙姑問呂公動履何曰近呂過此自言久客宜春與開元浴室僧相善喜其有仙風道骨以金遺之吾聞此語故來驗焉旬日洞賓復來問僧墨何在僧具以告洞賓笑曰此女饒舌遂與僧攜手出門去不知所之


大雲會食

洞賓詭為回處士游大雲寺隨堂會食月餘謂寺僧曰僧饌甚精但少麵耳遂去旬日攜以許麵至自炮設數百僧皆飽足僧請處士啜茗舉丁晉公詩曰花隨僧筋破雲逐客甌圓處士曰句雖佳未盡茶之理乃書詩曰玉藥一鎗稱絕品云云見第六卷以丹一粒遺僧曰服此可不死遂別去後僧亦仙去

市廛混迹

邵城酒肆

邵州城外有老媪開酒肆一日有呂道人來索飲偶無酒媪以所餘濁酒一升與之道人問價媪曰每升錢二十道人以指點酒書二十字于門外一紫石上而去徐視則字



迹下透石底幾尺餘自是觀者如堵酒肆大售後人因其
居建集仙觀

永康酒樓


永康軍倪某新開酒樓有一道人至索飲自旦及暮飲佳
醞已及石餘衆怪相聚以觀倪需酒金道人睜目不語頽
然醉倒倪坐守之曙鼓動道人忽起援筆題詩于壁曰鯨
吸鰲吞數百杯玉山誰起復誰頽醒時兩袂天風冷一朵
紅雲海上來末書云三道士陽純作以土一塊擲倪面
走出門仰望東北一朵紅雲而來撫掌大笑俄不見刮視
其壁墨徹數分視土塊乃良金也自是酒樓大售始知陽
純者乃純陽也

汴京茶肆

後周末汴京有石氏設茶肆一女尚髻亂令行茶洞賓詭
爲丐者日往據上坐求茶衣服縷縷血肉垢汚殆不可近
女殊無厭惡意益取上茗待之父母怒咎女女益待之月
餘無厭洞賓謂女曰汝能啜我所飲茗之餘乎女以穢甚
不可下咽覆之地忽聞異香亟舐之神氣爽然洞賓曰我
呂先生非丐者惜爾不能盡食吾餘然吾能從爾爾欲富
乎貴乎壽乎女曰我小家子不識何爲貴得富且壽足矣
洞賓去不復來後年亦貴顯年百三十五歲終

長溪飯店

福州長溪縣老嫗開飯肆乾道中有道人來食畢以火柴



頭書壁作呂洞賓四字光艷奇偉太守聞之騎往觀則字已銷沒無復餘迹信神筆也

兗州妓館

兗州妓侯其姓者爲邸以舍客洞賓詭服求授館蚤出莫歸歸必大醉逾月不償一金侯召啜茶洞賓曰吾見鍾離先生謂汝可以語道侯不省以酒飲之洞賓索飲不已侯滋不悅洞賓伸臂示之金釵隱然解其一令市酒戾利其金曰飲罷寢此乎曰可也即登榻鼻鼾至夜分侯迫榻洞賓以手拒之侯亟去遲明失洞賓所在視其身則手所拒處呂字徹肌上侯感悟曰此呂公也得非宿世一念之差遂至於此公其來度我乎即斷髮布裘尋洞賓不知所

終

廣陵妓館

廣陵妓黃鶯有姿色豪客填門一日有呂秀才托宿黃以其褻縷垢污拒之秀才題二詩于屏一曰嫖母西施共此身可憐老少隔千春他年鶴髮雞皮媼今日玉顏花貌人二曰花開花落兩悲歡花與人還事一船開在枝間防客折落來地上請誰看題畢俄不見

東都妓館

有妓楊柳東都絕色也道人往來其家屢輸金帛然終不與楊交接楊一夕乘醉迫之道人曰吾先夭坎離配合身中夫婦內交聖胎已結嬰兒將生豈復戀外色乎內交之



樂過於外交之樂遠矣楊疑訝其語時宰相張天覺館賓
蕭其與久狎楊以告蕭而蕭以告張遂往即之道人大呼
疾走徑趨樓雲菴雲堂不出良久排闥尋之則已不見惟
壁上有詩曰一吸鸞笙裂太清綠衣童子步虛聲玉樓喚
醒千年夢碧桃枝上金雞鳴後菴遭火無子遺而題詩之
壁巋然獨存亦一異也

庵堂赴會

徽宗齋會

宋宣和間徽宗設齋一千道人只開一名適有一風癩道
人求齋監門官力拒之其時徽宗與道士林靈素便殿談
話而道人忽在其階下亟遣人遣去赴齋道人以布袍袖

在殿柱上一抹而往徽宗見而怪之起身觀柱上有粉字
書云高談濶論若無人可惜明君不遇真陛下問臣來日
事請看午未丙丁春果而靖康丙午丁未二帝北狩之難

青城鶴會

紹興末洞賓赴青城山鶴會憩一賣餅果人家人不之識
也頗異之洞賓濃墨大書詩一章于門之大木上曰但患
去針心真銅水換金髮邊無白髮駭馬去難尋蓋寓呂洞
賓來四字筆勢偉勁光彩殊常取刀削之深透木背洞賓
已不復見時士人關雲祥者見之即繪其像乃一清癯道
人也是後餅果大售

潭州鶴會



潭州兵馬都監趙不問淳熙九年四月十四日作鶴會一
道人不知所從來攝衣升祀不與人揖徑入知堂房內不
見但於几上得一幅紙書絕句云這回相見不無緣滿院
風光小洞天一劍當空又飛去洞庭驚起老龍眠末題谷
客書

紹興道會

會稽山紹興癸丑道會有道人攜涼笠而至會散乃掛笠
于壁無掛笠之物而不墜題詩云偶乘青帝出蓬萊劍戟
崢嶸遍九垓我有目前人不識爲留一笠莫沉埋

賈相齋會

賈平章母兩國夫人設雲水道人齋忽有羣道人拱一孕

婦將產而來齋未罷產嬰兒在地羣道人即扶女子而去
只留嬰兒在地衆人扶起嬰兒乃一劍袋也始知爲呂公
以戲凡倍云

白雲掛搭

吉州舊有白雲堂在龍慶寺近嘗有道人在堂掛搭喚下
復有一口以吹鐵笛吹訖復塞以紙笠上題兩句詩一聲
吹動斜陽外喚起江湖萬里心小孩羣尾其後輒將銅錢
撒地使競取之後題一詩於後堂云牽牛與織女依舊白
蓮堂遂去皆莫曉其意後郴州寇李元礪反白雲堂閉門
不容掛搭以防奸細三年後復開開之日乃七夕後一日
也始悟其詩及悟二口呂字也



江州掛搭

江州瑞昌縣潘安撫道場嘗有道人至求掛搭無包無傘僅有一笠襠縷村俗真堂鄙之曰你無傘無包奈何掛搭道人云既不許掛搭覓一茶即去直堂入令之坐及出則道人反坐主席直堂怒曰不知賓主禮做甚道人道人不揖而去遺下一笠直堂不能舉遂會衆諷經謝罪遂舉其笠地上有呂字人病取土煎湯服之立愈數年間遂成一井水泡上結成呂字劃開復聚至今尚存

丹藥濟人


絳紗裏藥

東京一歲民大病瘡有老姥家鬻茶子孫皆病一日有道

人來姥善待之以子孫病爲請道人曰翌旦待我姥早起待之道人以絳紗裏藥曰病發者使執之自愈一九可愈百人過百人即不驗矣姥從之子孫皆愈遍療及百人滿果不驗矣姥拆囊已不見藥但有書曰洞賓三字而已方知遇呂先生也

孝救感母

桐廬有通守忘其姓名以母病發背百方不瘥祈禱備至感洞賓夜夢之曰公至孝感天命余救拔若遲一日不復可療乃授以靈寶膏方括萋五枚取子乳香五塊如聚大二味各細研以白沙蜜一斤同熬成膏每服三錢溫酒化下通守市藥治服即愈後以施人立效



趙州醫跛

趙州貧民劉某病跛二十年每夕炷香禱天一日有道人手攜鐵瓢謂劉曰可隨我行劉隨之行二里許指地下曰此下深三尺餘有五色石試掘之果得一石大如彈丸五彩殊常道人曰子可持歸暴露九日細末以木瓜皮煎湯服俟愈可來城東駐雲堂東廊第三間左壁上再相會云劉疾脫然即往尋之但見壁有洞賓相携瓢云

江陵醫眼

江陵傳道人事洞賓像甚謹乾道中正旦有一客方巾衣袍入共語良久拍之同飲傳從之自是旬日一來時傳目昏多淚客教服生熟地黃切焙取川椒去枝目及閉目者


微炒三物等分煉蜜丸空心塩米飲下五十九傳服之久能視物追思客貌宛類所事洞賓像云

岳陽貨藥

洞賓遊岳陽詭名貨藥一粒千金三日不售乃登岳陽樓自餌其藥忽騰空而立衆方駭慕欲買其藥洞賓笑曰道在目前蓬萊跬步撫饑不發當面蹉過乃吟詩曰朝遊北越暮蒼梧云

成都持丹

成都藥市日有道人垢面鵲衣手持丹一粒大呼于市曰我呂洞賓也有能再拜我者以丹餌之衆以爲狂相聚笑隨之道人往還數四竟無拜之者道人往坐五顯廟前火



池上兒童爭以瓦礫擲之道人笑曰世人欲見吾甚切既見吾又不識吾亦命也呂乃自餌金丹俄五色雲周身有頃不見衆共悔恨

覺能得丹

黃覺能有詩名一日送客東都門外旅次見一羽士曰携酒殺呼羽士共享之畢羽士舉盃撫水書昌字且曰明年江南見君明年果調官江南復見洞賓與以大錢七其次十又其次小錢三曰數不可益也吾以藥數寸遺子歲旦以酒磨服可一歲無病覺如其言至七十三歲藥亦垂竭卒於東京

德成得丹

李德成能醫盛寒時遇一貧窘道士衣單衣無寒色與李入酒肆自據主席李怪之店者曰交錢取酒道士指店中取三酒瓶曰中各有一升酒錢店者視之果然乃以三升酒與之道士酌酒飲李止取一瓶二瓶自竭與李曰此小術耳吾曰洞賓也李驚喜道士書一絕曰九重天子寰中貴五等諸侯門外尊爭似布衣狂醉客不教性命屬乾坤以藥一粒遺李曰服此當享高壽即別去李服藥髮不白齒不落百七歲而卒

金陵治痿

金陵萬與石嘗病痿疾左半手足不能動履者數載百法治之不愈偶出城南有道人自普德山來云爾何若此乎



因以其疾告之謂人以為偏枯道人領之以手按其患處忽覺痛酸曰是豈得為偏枯行當自愈矣問其姓號曰我乾姓號思屯寄寓于清源觀遂與言乾坤屯蒙之旨為天地君師之位皆世人所不經道萬歸其疾頓釋步履如初迺以其事白諸友人皆曰乾者陽也思為系屯為屯得非純陽乎萬因復出訪之竟不得其所在惟純陽之象居焉

隆慶庚午十一月事

景物題詠


牧童賦詩

鍾傳弱翁帥平涼洞賓幅巾衣白紵衣上謁從牧童牽黃犢立庭下弱翁異其氣局閑雅指牧童曰道人能詩可賦

此乎曰是兒自能之牧童大書曰草鋪橫野六七里笛弄晚風三四穀歸來飽飯黃昏後不脫蓑衣卧月明既別人皆見其檐二大甕長歌出郭或報弱翁曰甕二口此吕公也亟追之不復見矣

七夕題詩

元豐中吕惠卿守單州天慶觀七月七日有異人過焉書詩于紙一曰四海孤游一野人兩壺霜雪足精神坎離二物君收得龍帟丹行運水銀一日野人本是天台客石橋南畔有舊宅父子生來有兩口多好笙歌不好拍惠卿婿余中解之曰後篇第一句宿字也第二句石橋者洞也第三句兩口者吕也第四句者吟也吟此詩者其洞賓乎




黃鶴樓詩

武昌守倅一日對奕有道人不通姓氏直前曰吾國手也
守試與奕纔下僅八子即曰太守負矣守曰汝子未盈局
安知吾負道人曰吾子已分途據要津矣是以知之已而
果然如是數局守皆負俄拂袖去不見守令人遍城尋之
聞在郡治前吹笛纔至郡治前則聞笛聲在東門至東門
則聞在西門至西門則聞在南門至南門則聞在北門至
北門則聞在黃鶴樓前道人走往石照亭中不見但見亭
中有詩曰黃鶴樓前吹笛時云云見第六卷末書一呂字
因緣會遇或遇而不遇

何仙遇道

何仙姑零陵市道女也始十三歲隨女伴入山採茶俄失
伴獨行迷歸路見東峰下一人修髯紺目冠高冠衣六銖
衣即洞賓也仙姑始僕僕亟拜之洞賓出一桃曰汝年幼
必好果物食此盡他日當飛昇不然止居地中也仙姑僅
能食其半髯者指以歸路仙姑歸自謂止一日不知已逾
月矣自是不飢無漏洞知人事休咎後尸解去洞賓嘗謂
仙姑曰吾嘗游華陰市中賣藥以靈丹一粒置他藥萬粒
中有求藥者於瓢中信手探取與之觀其歸分也如是數
日他藥萬粒探取入手而此丹入手即墜因嘆世間仙骨
難值如此

跛仙遇道





道書金鑑
卷之五
長沙劉跛仙遇洞賓於君山得靈龜吞吐之法功成歸隱
岳麓自號瀟湘子常侍洞賓往來抱黃洞賓數游城下有
詩曰南山七十二獨愛洞真墟後有鄭思者遇跛仙于清
泰門外相與俱仙去

道友講經

陳澹然富而儒者也性慕道延雲水士多年竟無所遇洞
賓說為傭者為治圃歲餘所作工後力過常人陳愛之然
止以傭者待之而已一日陳與一道友講陰符經至天發
殺機天地返復未曉殺機之旨洞賓從旁抗聲曰生者不
生死者不歿已生而殺生未死而學死則長生矣陳大驚
曰汝非傭者耶誰教汝為此言既而詰之則復繆悠其辭


不可解道友曰田野村夫定於何處竊得此語耳非實通
曉也居無何忽辭陳曰吾將遠行明年五月五日午時復
來也既去寂然陳有鄉人客于巴陵遇之曰為我寄語陳
公我呂洞賓也始意公可授道徐察之則不然吾不復來
矣言訖走入呂仙亭竹林中不見明年端午日午時陳暴
卒





國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.

陽明先生全集卷之七
七言
同行獨力出群倫
默然容我百存真
無形有化有
門石在乾坤色
非從它外得十
通靈一顆正金
山曉水香無着
若能知所寓超
落網紅塵四十
計惟書月輪八
封氣中消至寶
五行光裏得元
神景田

楊良淵 校刊





新刊道書全集純陽呂真人文集卷之四


七言

閩浦 雲石 楊良弼 校刊

周行獨力出群倫
默默昏昏亘古存
無象無形潛造化
有門有戶在乾坤
色非色際誰窮處
空不空中自得根
此道非從它外得
千言萬語謾評論

通靈一顆正金丹
不在天涯地角安
討論窮經深莫究
登山臨水杳無看
光明暗寄希夷頂
赫赤高居混沌端
舉世若能知所寓
超凡入聖弗為難

落魄紅塵四十春
無為無事信天真
生涯只在乾坤鼎
活計惟憑日月輪
八卦氣中潛至寶
五行光裏隱元神
桑田



國家圖書館, NATIONAL CENTRAL LIBRARY, TAIWAN, R.O.C.

3442462 v.37



改變依然在永作人間出世人

獨處乾坤萬象中從頭歷歷運元功縱橫北斗心機大顛
倒南辰膽氣雄鬼哭神號金鼎結雞飛犬化玉爐空如何
俗士尋常覓不達希夷不可窮

誰信華池路最深非遐非邇與難尋九年採煉如紅玉一
日圓成似紫金得了永祛寒暑遍服之應免死生侵勸君
門外脩身者端念思惟此道心

水府尋鉛合火鉛黑紅紅黑又玄玄氣中生氣肌膚換精
裏含精性命專藥返便為真道士丹還本是聖胎仙出神
入定虛華語徒費工夫萬萬年

九鼎烹煎九轉砂區分時節更無差在精神氣血歸三要南

北東西共一家天地變通飛白雪陰陽和合產金華終期
鳳詔空中降跨虎騎龍謁紫霞

憑君子後午前看一脉天津在春端金闕內藏玄谷子玉
池中坐太和官只將至妙三周火煉出通靈九轉丹直指
幾多求道者行藏莫離虎龍灘

返本還元道氣平虛非形質轉分明水中白雪微微結火
裏金蓮漸漸生聖永論時非有體真鉛窮看亦無名吾今
為報脩行者莫問燒金問至精

安排鼎竈煉玄根進退須明卯酉門繞電奔雲飛日月驅
龍走虎出乾坤一丸因與紅顏主九轉能燒白髮痕此道
幽微知者少茫茫塵世與誰論



醍醐一盞詩一篇暮醉朝吟不記年乾馬屢來遊九地坤
牛時駕出三天白龜窟裏夫妻會青鳳巢中子母圓提挈
靈童山上望重重疊疊是金錢

認得東西木與金自然爐鼎虎龍吟但隨天地明消息方
識陰陽有信音左掌南辰攀鶴羽右擎北極剖龜心神仙
親口留斯旨何用區區向外尋

一本天機深更深徒言萬劫與千金三冬大熱玄中火六
月傷寒表外陰金為浮來方見性木因沉後始知心五行
顛倒堪消息返本還元在已尋

虎將龍軍氣宇雄佩符持甲去忽忽鋪排劍戟奔如電羅
列旌旗疾似風活捉三尸焚鬼窟生擒六賊破魔宮河清


海晏乾坤淨世世安居道德中

我家勤種我家田內有靈苗活萬年花似黃金苞不大子
如白玉顆皆圓栽培金賴中宮土灌溉須憑上谷泉直候
九年功滿日和根拔入大羅天

尋常學道說黃芽萬水千山竟轉差有畛有園難下種無
根無脚自開花九三鼎內烹如酪六一爐中結似霞不日
成丹應換骨飛昇遙指玉皇家

四六關頭路坦平行人到此不須驚從教犢駕轟轟轉儘
使羊車軋軋鳴渡海經河稀阻滯上天入地絕歌傾功成
直入長生殿袖出神珠徹夜明

九六相交道氣和河車晝夜迸金波呼時一一關頭轉吸



處重重脉上摩電激离門光海嶽雷轟震戶動婆娑思量
此道真長遠學者多迷溺愛河

金丹不是小金丹陰鼎陽爐裏面安盡道東山尋未易豈
知西海覓鉛難玄珠窟裏行非遠赤水灘頭去便端認得
靈犀真的路何勞禮月步星壇

古今機要甚分明自是衆生力量輕盡向有中生出質誰
能無裏見無形真鉛聖汞徒虛費玉室金闕不解局本色
丹瓢推倒後却吞丸藥待延齡


浮名浮利兩何堪迴首歸山味轉甘舉世算無心可契誰
人更與道相參寸猶未刻甘談尺一尚難明強說三經卷
葫蘆并拄杖依前擔入舊江南

本來無作亦無行行着之時是妄情老氏語中猶未決瞿
曇言下更難明靈犀有節通天去玉藥無根得地生今日
與君無恡惜功成只此是蓬瀛

解將火種種刀圭火種刀圭世豈知山上長男騎白馬水
邊少女牧烏龜無中出有還丹象陰裏生陽大道基顛倒
五行憑匠手不逢匠手莫施爲

三千餘法論脩行第一燒丹路最親須是坎男端的物取
他男女自然珍烹成不灰砂中汞結出長生水裏銀九轉
九還功若就定將衰老返長春

欲種長生不死根再營陰魄及陽魂先教玄母歸离戶後
遣空王鎮坎門虎到甲邊風浩浩龍居庚內水溫溫迷途



爭與輕輕泄此理須憑達者論

閉目存神玉戶觀時來火候速相傳雲飛海面龍吞汞風
擊巖顛虎伏鉛一旦煉成身內寶等閑探得道中玄刀圭
餌了丹書降跳出塵籠上九天

千日功夫不暫閑清車搬載上崑山虎拍白汞安爐裏龍
發紅鉛向鼎間仙府記名丹已熟陰司除籍命應還彩雲
捧足歸何處直入三清謝聖顏

解匹真陰與正陽三年功滿結成霜神龜出入庚辛位丹
鳳翱翔甲乙方九鼎先輝雙瑞氣三元中換五毫光塵中
若有同機者共住煙霄不死鄉


修生一路就中難迷者徒將萬卷看水火均平方是藥陰

陽差互不成丹守雌勿失雄方住在黑無虧白自乾認得
此般真妙訣何憂風雨妬衰殘

纔吞一粒便安然十二重樓九曲連庚虎循環殮絳雪甲
龍天矯遶靈泉三三上應三千日九九中延九萬年須得
有緣方可授未曾輕泄與人傳

誰知神水玉華池中有長生性命基運用須憑龍與虎抽
添全藉坎兼離晨昏點盡黃金粉頃刻修成玉石脂齋戒
餌之千日後等閑輕舉上雲梯

九天雲靜鶴飛輕街簡翩翩別太清身外紅塵隨意換爐
中白石立時成九苞鳳向空中舞五色雲從足下生回首
便歸天上去願將甘雨救焦氓



嬰兒迤邐降瑤階手握玄珠直下來半夜紫雲披素質幾
回赤氣掩桃顯微微笑處處機關轉拂拂行時戶牖開此是
吾家真一子庸愚誰敢等閑猜

才得天符下玉都三千日裏積工夫禱祈天地開金鼎收
拾陰陽鎖玉壺便覺凡軀能變化深知妙道不虛圖時來
試問塵中叟這箇玄機世有無

誰識寰中達者人生平解法水中銀一條拄杖撐天地三
尺昆吾斬鬼神大醉醉來眠月洞高吟吟去傲紅塵自從
悟裏終身後贏得蓬壺永劫春

紅爐迸濺煉金英一點靈珠透室明擺動乾坤知道力逃
移生死見功程逍遙四海留蹤跡歸去三清立姓名直上


五雲雲路穩紫鸞朱鳳自來迎

時人若要學長生先是樞機晝夜行恍惚中間專志氣虛
無裏面固元精龍交虎戰三周畢兔走鳥飛九轉成煉出
一爐神聖藥五雲歸去路分明

亦無得失亦無言動即施功靜即眠驅遣赤年耕宇宙分
張玉粒種山川栽培不憚勞十日服食須知活萬年今日
示君君好信教君見世作神仙

不須兩兩與三三祇在崑崙第一巖逢潤自然情易伏遇
炎常恐性難降有時直入三元戶無事還歸九曲江世上
有人燒得住壽齊天地更無雙

本末無非在玉都亦曾陸地作凡夫吞精食氣先從有悟




理歸真便入無水火自然成既濟陰陽和合自相符爐中
煉出延年藥溟渤從教變復枯
無名無利任優游遇酒逢歌且唱酬數載未曾經聖闕千
年唯只在仙州尋常水火三回進直箇夫妻一處收藥就
功成身羽化更拋塵全出凡流
杳杳冥冥莫問涯雕蟲篆刻道之華守中絕學方知奧抱
一無言始見佳自有物如黃菊盡更無色似碧桃花休將
心地虛勞用煮鐵燒金轉轉差
還丹功滿未朝天且向人間度有緣拄杖遺頭擔日月葫
蘆一箇隱山川詩吟自得閑中句酒飲多兩醉後錢若問
我修何妙法不離身內汞和鉛

半紅半黑道中玄水養真金火養鉛解接往年三寸氣還
將運動一周天烹煎盡在陰陽力進退須憑日月權只此
功成三島外穩乘鸞鳳謁諸仙

飛龍九五已升天次第還當赤帝權喜遇汞珠凝正午幸
逢鉛母結重玄狂猿自伏何須煉野馬親調不着鞭煉就
一丸天上藥頓然心地永剛堅

舉世何人悟我家我家別是一榮華盈箱貯積登仙錄滿
室收藏伏火砂頓飲長生天上酒常栽不死洞中花凡流
若問吾生計遍地紛紛五彩霞

津能克渴氣克糧家住三清玉帝鄉金鼎煉來多外白玉
虛烹處徹中黃始知青帝宮宮住方信金精水府藏流俗



要求玄妙理參同契有兩二行

紫詔隨鸞下玉京元君相命會三清便將金鼎丹砂餌時
拂霞衣鶴駕行天上雙童侍珮引月中嬌女執幡迎此時
功滿參真後始信仙都有姓名

脩脩修得到乾乾方號人間一醉仙世上光陰催短景洞
中花木任長年形飛峭壁非凡骨神在玄宮別有天唯願
先生頻一顧更玄玄外問玄玄

終

新刊道書全集純陽呂真人文集卷之五

閩浦雲石楊良弼校刊

七言

金丹一粒定長生須得真鉛煉甲庚火取南方赤鳳嘴水
求北海黑龜精鼎追四季中央合藥遣三元八卦行齋戒
興功成九轉定應入口鬼神驚

功滿來來際會難又聞東去上仙壇校頭春色一壺酒頂
上雲攢五嶽冠飲海龜兒人不識燒山符子鬼難堪先生
去後身須老乞與貧儒換骨丹

碧潭深處一真人貌似桃杏體似銀鬢髮未斑緣有術紅
顏不老爲通神蓬萊要去如今去去架上黃衣化作雲任彼



要求玄妙理參同契有兩三行

紫詔隨鸞下玉京元君相命會三清便將金鼎丹砂餌時
拂霞衣鶴駕行天上雙童侍珮引月中嬌女執幡迎此時
功滿參真後始信仙都有姓名

脩脩修得到乾乾方號人間一醉仙世上光陰催短景洞
中花木任長年形飛峭壁非凡骨神在玄宮別有天唯願
先生頻一顧更玄玄外問玄玄

終

新刊道書全集純陽呂真人文集卷之五

閩浦雲石楊良弼校刊

七言

金丹一粒定長生須得真鉛煉甲庚火取南方赤鳳嘴水
求北海黑龜精鼎追四季中央合藥遣三元八卦行齋戒
興功成九轉定應入口鬼神驚

功滿來來際會難又聞東去上仙壇校頭春色一壺酒頂
上雲攢五嶽冠飲海龜兒人不識燒山符子鬼難堪先生
去後身須老乞與貧儒換骨丹

碧潭深處一真人貌似桃杏體似銀鬢髮未斑緣有術紅
顏不老爲通神蓬萊要去如今去架上黃衣化作雲任彼



桑田變滄海一丸丹藥定千春

爐養丹砂鬢不斑假將名姓住人間已逢志士傳神藥又
喜同流動笑顏老子道經分付得少微星許共相攀幸蒙
上士甘撈處世輸君一箇閑贈人

誰解長生是我栽煉成真氣在三台盡知白日昇天去剛
逐紅塵下世來黑虎行時傾雨露赤龍耕處產瓊瑰只吞
一粒金丹藥飛入青霄更不回

亂雲堆裏表星都認得深藏大丈夫綠酒醉眠閑日月白
蘋風定釣江湖長將氣度隨天道不把言詞問世徒山水
路遙人不識荊君消息近知無


鶴爲車駕酒爲糧爲戀長生不絕鄉地脉尚能縮得短人

年豈不展教長星辰往往往壺中見日月時時袖裏藏若欲
時流親得見朝朝不離水銀行

靈芝無種亦無根解飲能餐自返魂但得煙霞供歲月任
他鳥兔走乾坤嬰兒只戀陽中母姪女須朝頂上尊一得
不回千古內更無塚墓示兒孫

世上何人會此言休將名利掛心田等閑倒盡十分酒遇
興高吟一百篇物外煙霞爲伴侶壺中日月任嬋娟他時
功滿歸何處直駕雲車入洞天

玄門弟子坐中央算得明長感玉皇枕下山河和雨露箇
中日月混瀟湘坎男會遇逢金女離女交騰嫁木郎真箇
夫妻齊守志立教牽惹在陰陽



遙指高峰笑一殷紅霞紫霧面前生每於塵市無人識長
到山中有鶴迎時弄玉蟾驅鬼魅夜煎金鼎煮瓊英他時
若赴蓬萊洞知我仙家有姓名

堪笑時人問我家扶檐雲物惹煙霞眉藏火電非他說手
種金蓮不自誇三尺焦桐爲活計一壺美酒是生涯騎龍
遠出游三島夜久無人斷月華

九曲江邊坐臥看一條長路入天端慶雲捧擁朝天闕瑞
氣徘徊起白煙鉛汞此時爲至藥坎離今日結神丹功能
濟命長無老只在人心不是難

玄門玄理又玄玄不效根元在汞鉛知是一般真箇術調
和六一也同天玉京山土羊兒開金水河中石虎眠妙要


能生覺本躰勤心到處自如然

公卿雖貴不曾酬說着仙鄉便去遊爲討石肝逢蜃海因
尋甜雪過瀛洲山川醉後壺中放神鬼閑來匣裏收攬見
目前無箇識不如盃酒混凡流

曾邀相訪到仙家忽上崑崙宴月華玉女控龍蒼獬豸山
童提挈白蝦蟇時斟海內千年酒慣摘壺中四序花今在
人寰人不識看看揮袖入煙霞

火種丹田金自生重重樓閣自分明三千功行百旬見萬
里蓬萊一日程羽化自應無鬼錄王都長是有仙名今朝
得赴瑤池會九節幢幡洞裏迎

因看崔公入藥鏡今人心地轉分明陽龍言向禹官出陰




虎還於坎位生二物會時爲道本五方行盡得丹名修真
道士如知此定跨赤龍歸玉清
浮生不實爲輕忽衲服身藏奇異骨非是塵中不涿塵焉
得物外通無物共語難分情兀兀獨自行時輕拂拂一點
刀圭五彩生飛丹走入神仙窟
莫怪愛吟天上詩蓋緣吟得世間稀慣飡玉帝宮中飯曾
着蓬萊洞裏衣馬踏日輪紅露捲鳳啣月角孽雲飛何時
再控青絲轡又掉金鞭入紫微
黃芽白雪兩飛金行即高歌醉即吟日月暗扶君甲子乾
坤自與我知音精靈滅跡三清劍風雨騰空一弄琴的當
南遊歸甚處莫交鶴去上天尋

雲鬢雙明骨更輕自言尋鶴到蓬瀛日論藥草皆知味閑
着神仙自得名簪冷夜龍穿碧洞枕寒晨虎臥銀城來春
又擬携筇去爲憶軒轅海上行

龍精艷眼兩相和丈六男兒不奈何九盞水中煎赤子一
輪火內養黃婆月圓自覺離天網功滿方知出地羅半醉
好吞龍鳳髓勸君休更認彌陀

強居此境絕知音野景雖多不合吟詩句看喧卿相口姓
名還動帝王心道袍薜帶應慵掛隱帽皮冠尚懶簪除此
更無餘箇事一壺村酒一張琴

華陽山裏多芝田華陽山裏復延年青松巖畔攀高幹白
雲堆裏飲飛泉不寒不熱神蕩蕩東來西去氣聯綿三千



功滿好歸去休與時人說洞天

天生不散自然心成敗從來古與今得路應知能出世迷

途終是任埋沉身邊至藥堪攻煉物外丹砂且細尋咫尺

洞房仙景在莫隨波浪沒光陰

自隱玄都不記春幾回滄海變成塵玉京殿裏朝元始金

闕宮中拜老君悶即駕乘千歲鶴間來高卧九重雲我今

學得長生法未肯輕傳與世人

北帝南辰掌內觀潛通造化暗相傳金匙袖裏居元宅玉

戶星宮降上玄舉世盡皆尋此道誰人空裏得玄關明明

道在堪消息日月灘頭去又還

日影元中合自然奔雷走電入中原長驅赤馬居東殿太

啓朱門泛碧泉怒拔昆吾歌聖化喜陪孤月賀新年方知

此是生生物得在仁人始受傳

六龍齊賀得升乾須覺潛通造化權真道每吟秋月澹至

言長運碧波寒晝乘白鶴游三島夜頂金冠立古壇一載

已成千歲藥誰人將袖染塵寰

五岳灘頭景象新仁人方達杳冥身天綱運轉三元淨地


脉通時萬物生自曉谷神通此道誰能理性欲修真明明

說向中黃路霹靂聲中自得神

欲陪仙侶得身輕飛過蓬萊徹上清朱頂鶴來雲外接紫

鱗魚向海中迎姮娥月桂花先吐王母仙桃子漸成下瞰

日輪天欲曉定知人世久長生



四海皆忙幾個閑時人口內說塵緣知君有道來山上何
侶無名住世間十二樓臺藏秘訣五千言內隱玄關方知
鼎貯神仙藥乞取刀圭一粒看

割斷繁華掉却榮便從初得是長生曾於錦水爲蟬蛻又
向蓬萊別姓名三住往來無否泰一塵塵在世人情不知
功滿歸何處直跨虬龍上玉京

當年時價蒲皇都掉臂西歸是丈夫萬頃白雲獨自有一
枝丹桂阿誰無閑尋滑曲漁翁引醉上蓮峰道士扶他日
與君同際會竹溪茅舍夜相呼

金鏈灼灼舞天堦獨自騎龍去又來高臥白雲觀日窟閑
眠秋月臂天開藕花片片乾坤產坎藥翻翻造化栽晚醉

九鼎回首望北邙山下骨皚皚

結交常與道情深日日隨他出又沉若要自通雲外鶴直
湏勤煉水中金丹成只恐乾坤窄餌了寧憂疾患侵未去
瑤臺猶混世不妨盃酒喜閑吟

因携琴劍下煙蘿何幸今朝喜暫過貌相本來猶自可針
醫偏更効無多仙經已讀三千卷古法曾持十二科些小
道功如不信金堦捨手試看麼

傾倒華陽醉再三騎龍遇晚下南岩眉因拍劍留星電衣
爲眠雲惹碧嵐金液變來成雨露玉都歸去老松杉曾將
鐵鏡照神鬼霹靂搜尋火滿潭

鐵鏡烹金火滿空碧潭龍卧夕陽中麒麟意合乾坤地獬



牙機關日月東三尺劍橫雙水岸五丁冠頂百神宮開鋪
羽服居仙窟自著金蓮造化功

隨綠信業任浮沉似水如雲一片心兩卷道經三尺劍一
條藜杖七絃琴壺中有藥逢入施腹內新詩遇客吟一爵

永添千載壽一丸丹點一斤金
琴劍酒棊龍鶴虎逍遙落托永無憂閑騎白鹿遊三島悶

駕青牛看十洲碧洞遠觀明月上青山高隱綠雲流時人
若要還如此名利浮華即便休

紫極宮中我自知親磨神劍劍還飛先差王子開南殿後
遣青龍入紫微九鼎黃芽棲瑞鳳一軀仙骨養靈芝蓬萊

不是凡人處只怕愚人泄世機

回身方始出埃塵造化工夫只在人早使九龍拋地網豈
知白虎出天真綿綿有路誰留我默默忘言自合神擊劍


夜溪歸甚處披星帶月折麒麟
春盡閑閑過落花一回舞劍一吁嗟常憂白日光陰促每

恨青天道路賒本志不求名與利元心只慕水兼霞世間
萬種浮沉事逆理誰能似我家

日爲和解月呼丹華夏諸侯肉眼看仁義異如胡越異世
情難似泰衡難八仙煉後鍾神異四海磨成照膽寒笑指

不平千萬七騎龍撫劍九重關
別來洛汭六東風醉眼吟情慵不慵擺撼乾坤金劍吼烹

煎日月玉爐紅挾搖楚甸三千里鶴煮秦煙幾萬重爲報



晉城仙子道再期春色會稽峰

髮頭滴血眼如鰲吐氣雲生怒世間爭奈不平千萬事須
期一訣蕩兇頑蛟龍斬處翻滄海暴虎除時拔遠山為滅
世情無負義劍光腥染點痕斑

雨雪霏々天已暮金鐘滿勸撫焦桐詩吟席上未移刺劍
舞筵前疾似風何事行不盡當午夜忽然怒自便騰空不知
誰是虧忠孝携箇人頭入坐中

未煉還丹且煉心丹成方覺道元深每留客有錢酤酒誰
信君無藥點金洞裏風雲歸掌握壺中日月在曾襟神仙
事業人難會養性長生自意吟


鐵牛耕地種金錢刻石時童把貫穿一粒粟中藏世界二

升鑪內煮山川白頭老子眉垂地碧眼胡兒手指天若何
此中玄會得此玄玄外更無玄

箕星昂宿下長天凡景寧交不愕然龍出水來鱗甲就鶴
冲天去羽毛全塵中教化千人眼世上難知爾雅篇自是
凡流福命薄忍教微妙略輕傳

閑來掉臂入天門拂袂徐々振絳雲無語下窺黃谷子破
顏平揖紫霞君擬登瑤殿衆金母回訪瀛洲看日輪恰直
嫦娥排宴會瑤漿新熟味風盃

曾隨劉阮醉桃源未省人間欠酒錢一領布裘權且當九
天回日却歸還鳳茸襖子非爲貴狐白裘裳欲比難只此
世間無價寶不憑火裏試燒看



因思往事却成愁曾讀仙經第十三武氏友時應室女陳
王沒後是童男兩輪日月從他載九箇山河一担擔盡日
無人話消息一壺春酒且醺酣

垂袖騰騰傲世塵胡蘆携却數遊巡利名身外終非道龍
虎門前辨取真一覺夢魂朝紫府數年蹤跡隱埃塵華陰
市內終相見不是尋常賣藥人

禹卷仙經三尺琴劉安聞說是知音枕頭春色一壺酒爐
內丹砂萬點金閑裏醉眠三路口開來遊釣洞庭心相逢
相遇人誰識只恐冲天沒處尋

寶戟蚩尤王座前六龍高駕振鳴鑾如來車後隨金鼓黃
帝旂傍戴鐵冠醉將黑髮三島點怒袖霜劒十洲寒軒轅

世代橫行後直隱溪山久覓難

頭角滄浪穀似鐘貌如冰雪骨如松匣中寶劒時頻吼袖

裏金鉞逞露風會飲酒時爲伴侶能吟詩句便參同來

定赴蓬萊會騎鶴王儔九色龍

神仙暮入黃金闕將相門闢白玉京可是洞中無好景爲

憐天下有衆生心琴際會閑隨鶴匣劒時磨待斷鯨進退


兩楹俱未應憑君與我指前程

九鼎烹煎一味砂自然火候放童星辰照出青蓮顆月

月能藏白馬牙七返返成生碧霧九還還就吐紅霞有人

奪得玄珠餌三島途中路不賒

天生一物變三才交感陰陽結聖胎龍虎順行陰鬼去龜



蛇逆往火龍來嬰兒日喫黃婆懶姪女時殮白玉杯功滿
自然居物外人間寒暑任輪回

星辰聚會入崑崙日月盈虧助藥王三候火燒金鼎寶五
符水煉玉壺漿乾坤反覆龍收霧卯酉相吞虎放光入室
用機擒捉取一丸丹點牀純陽

真人行巴陵市太守怒其弗避使案吏具其罪真
人曰須酒醒耳頃忽失之但留詩曰

驀別蓬萊海上遊偶逢太守問根由身居北斗星杓下
相南宮月角頭道我醉來真箇醉不知愁是怎生愁相逢
何事不相認却駕白雲歸去休

題桐柏山黃先生菴門

吾存玄中極玄理周遊八極無處吐雲輶飄泛到凝陽

見君今在玄浦知君本是孤雲客擬話希夷生恍惚無為

大道本根源要君親見求真物其中有一分三五本自無

名號丹母寒泉渥氣綿上透崑崙還紫府浮沉升降

入中宮四象五行齊見土驅青龍擒白虎起祥風弓下甘

露鉛凝真汞結丹砂一派火輪真為王既脩真須堅確能


轉乾坤泛海岳運行天地莫能知變化鬼神應不覺千朝

煉就紫金身乃致全身歸返朴黃秀才黃秀才既修真須

且早人間萬事何時了貪名貪利愛金多為他財色身衰

老我今勸子心悲切君自思兮生猛烈莫教大限到身來

又是隨流入生滅留此片言用表其意它日相逢必與汝





决莫退初心善愛善愛

新刊道書全集純陽呂真人文集卷之六

五言

悟了長生理秋蓮處處開金童登錦帳玉女下香階虎嘯
天魂住龍吟地魄來有人明此道立便返嬰孩
姹女住南方身邊產太陽蟾宮烹玉液坎戶煉瓊漿過去
神仙餌今來到我嘗一盃延萬紀物外任翱翔
頃悟黃芽理陰陽稟自然乾坤爐裏煉日月鼎中煎木產
長生汞金童續命鉛世人明此道立便返童顏
宇宙產黃芽經爐煅作砂陰陽烹五彩水火煉三花鼎內
龍降虎壺中龜遣蛇功成婦物外在樂煙霞
要覓長生路除非認本元都來一味藥剛到數千般丹鼎





决莫退初心善愛善愛

新刊道書全集純陽呂真人文集卷之六


五言

悟了長生理秋蓮處處開金童登錦帳玉女下香階虎嘯
天魂住龍吟地魄來有人明此道立便返嬰孩
姹女住南方身邊產太陽蟾宮烹玉液坎戶煉瓊漿過去
神仙餌今來到我嘗一盃延萬紀物外任翱翔
頃悟黃芽理陰陽稟自然乾坤爐裏煉日月鼎中煎木產
長生汞金童續命鉛世人明此道立便返童顏
宇宙產黃芽經爐煅作砂陰陽烹五彩水火煉三花鼎內
龍降虎壺中龜遣蛇功成婦物外在樂煙霞
要覓長生路除非認本元都來一味藥剛到數千般丹鼎



烹成汞爐中煉就鉛依時服一粒白日上冲天
姤女住瑤臺仙花滿地開金苗從此出玉藥自天來鳳舞
長生曲鸞歌續命盃有人明此道海變已千回
古往諸仙子根元占甲辰水中聞帟嘯火裏見龍行進退
窮三候相吞用八絃冲天功行滿寒暑不能爭
我悟長生理太陽伏太陰離宮生白玉坎戶產黃金要主
君臣義須存子母心九重神室內虎嘯與龍吟
靈丹產太虛九轉入重爐浴就紅蓮顆燒成白玉珠水中
鉛一兩火內汞三銖喫了瑤臺寶升天任海枯
姤女住離宮身邊產雌雄爐中七返單頂內九還終悟了
魚投水迷因鳥在籠耄年服一粒立地變冲童

盜得乾坤祖陰陽是本身天魂生白虎地魄產青龍運寶
泥丸住搬精入上宮有人明此法萬載貌如童
要覓金丹理根元不易逢三才七返足四象九還終浴就
微微白燒成漸漸紅一丸延萬紀物外去冲冲
箇箇覓長生根元不易尋要貪天上寶須弃世間琛煉就
水中火燒成陽內陰祖師親有語一味水中金
萬物皆生土如人得本元青龍精是汞白虎本為鉛悟者
于投母迷應地是天將來物外客箇箇補丹田
二十四神清三千功行成寒雲連地轉聖日滿天明玉子
偏宜種金田豈在耕此中真妙理誰道不長生
妙妙妙中妙玄玄玄更玄動言俱演道語默盡神仙在掌



如珠異當空似月明他時功滿後直入大羅天

絕句

捉得金精固命基日魂東畔月華西於中煉就長生藥服了還同天地齊

莫恠瑤池消息稀只緣人事隔天機若人尋得水中火有一黃童上太微

混元海底隱生倫內有黃童玉帝名白虎神符潛姹女靈元鎮在七元君

三畝丹田無種種種時須藉赤龍耕曾將此種教人種不解鉛池道不生

閃灼帟龍神劍飛好憑身事莫相違傳時須在乾坤力便

透三清入紫微


不用梯媒向外求還丹只在躰中收莫言大道人難得自是功夫不到頭

飲酒須教一百盃東浮西泛自梯媒日精自與月華合有箇明珠走上來

不負三光不負人不欺神道不欺貧有人問我修行法只種心田養自身

時人若擬去瀛洲先過巍巍十八樓自有電雷殷震動一池金水向東流

瓶子如金玉子黃上升下降續神光三元一會經年淨這箇天中日月長



學道須教徹骨貧囊中只有五三文有人問我修行法過指天邊日月輪

我自忘心神自悅跨水穿雲來自謁不問黃芽肘後方妙道通微怎生說

肘後丹篆千年術口誦黃庭兩卷經鶴觀古壇松影裏悄無人跡戶長扃

獨上高峰望八都黑雲散後月還孤茫茫宇宙人無數幾箇男兒是丈夫

天下都游半日功不須籙鳳與乘龍偶因博戲飛神劒摧却終南第一峰

朝遊北越暮蒼梧袖裏青蛇膽氣籠三入岳陽人不識朗

吟飛過洞庭湖


趯倒葫蘆掉却琴倒行直上臥牛岑水飛石上迸如雪立地看天坐地吟

吾今本住在天齊零落白雲鏤石梯來往八千消半日依前歸路不曾迷

蓮峰道士高且潔不下蓮宮經歲月星辰夜禮玉簪寒龍虎曉開金鼎熱

東山東畔忽相逢握手丁寧語似鐘劒術已成君把去有蛟龍處斬蛟龍

朝泛蒼梧暮却還洞中日月我爲天匣中寶劒時時吼不遇同人誓不傳



猥當拍手葫蘆舞過嶺穿雲拄杖飛來往八千須半日金
州南畔有松扉

養得兒形似我形我身枯悴子光精生生世世常如此爭
似留神養自身

精養靈根氣養神此真之外更無真神仙不肯分明說迷
了千千萬萬人

不事王侯不種田日高猶自抱琴眠起來旋點黃金買不
使人間作業錢

天涯海角人求我行到天涯不見人忠孝義慈行方便不
須求我自然真

莫道幽人一事無閑中儘有靜工夫閉門清書讀書罷掃

地焚香到日晡

先生先生貌猊惡核劒當空氣雲錯連喝三回急急去欲
然空裏人頭落已下並贈劒客

劒起星奔萬里誅風雷時逐雨聲籠人頭攜處非人在何
事高吟過五湖

籠眉卓豎語如雷聞說不平便放盃仗劒當空千里去一
更別我二更回

先生先生莫外求道要人傳劒要收今日相逢江海岸一
盃村酒勸君休

龐眉闢堅惡精神萬里騰空一踢身背上匣中三尺劒爲
天且示不平人



贈曹先生

鶴不西飛龍不行露乾雲破洞簫清少年仙子說閑事邊
隔絲雲聞笑聲

海上相逢趙同

南宮水火吾須濟北闕夫妻我自媒洞裏龍兒嬌鬱律山
前童子喜徘徊

題鳳翔府天慶觀

得道年來八百秋不曾飛劍取人頭玉皇未有天符至且
貨烏金混世流

劍畫此詩於襄陽雪中

峴山一夜玉龍寒鳳林千樹梨花老襄陽城裏渡人知襄

陽城外江山好


洞庭洞君山頌

午夜君山翫月回西鄰小圃碧蓮開天香風露蒼華冷雲
在青霄鶴未來

秦州北山觀留詩

石池清水是吾心剛被桃花影倒沉一到邦山宮闕內銷
閑澄慮七絃琴

宋朝張天覺為相之日有襪樓道人及門求施
公不知禮敬因戲問道人有何仙術答以能捏
土為香公請試為之須臾煙罷道人不見但留
詩于案上云



捏土爲香事有因世間宜假不宜真皇朝宰相張天覺天
下雲游呂洞賓

贈陳處士

青霄一路少人行休話興亡事不成金榜因何無姓字王
都必是有仙名雲歸入海龍千尺雲滿長空鶴一聲溪謝
宋朝明聖主解書丹詔詔先生

哭陳先生

天網恢恢萬象疎一身親到華山區寒雲去後留殘月春
雪來時問太虛六洞真人歸紫府千年鸞鶴老梧自從
遺却先生後南北東西少丈夫

化江南簡寂觀道人侯用晦磨劍詩云

欲整鋒鉞敢憚勞凌晨聞匣玉龍嗥手中槩水三尺石
上精神蛇一條姦血點隨流水盡凶豪今逐漬痕消削平
浮世不平事與爾相將上九霄

熙寧元年八月十九日過湖州東林沈山用石

榴皮寫絕句于壁自歸回山人

西鄰已富憂不足東老雖貧樂有餘白酒釀來綠好客黃
金散盡爲收書

大雲寺茶詩

玉藥一鎗稱絕品僧家造法極功夫兔毛鷗淺香雲白蝦
眼湯翻細浪俱斷送睡魂離几席增添清氣入肌膚幽叢
自落溪崑外不肯移根入上都



別詩二首

無心獨坐轉黃庭不逐時流入利名救老只存真一氣修
生長遣百神靈朝朝煉液婦瓊瓏夜夜朝元養玉英莫笑
老人貧裡樂十年功滿上三清
時人受氣稟陰陽均躰乾坤壽命長為重本宗能壽永因
輕元祖遂淪亡三宮自有迴流法萬物那無運用方咫尺
崑崙山上玉幾人知是藥中王

贈羅浮道士

羅浮道士誰同流草衣木食輕王侯世間甲子管不得靈
裡乾坤只自由數着殘棋江月曉一聲長嘯海山秋飲餘
回首話歸路遙指白雲天際頭

宿州天慶觀殿門留贈符離道士

秋景蕭條葉亂飛庭松影裏坐移時雲迷鶴駕何方去仙
洞朝元失我期


題黃鶴樓石照

黃鶴樓前吹笛時白蘋紅蓼滿江湄衰情欲訴誰能會惟
有清風明月知

答僧見

三千里外無家客七百年來雲水身行滿蓬萊為別館道
成瓦礫盡黃金待賓檻裏常存酒化藥爐中別有春積德
求師何患少由來天地不私親

與潭州智度寺謹記詩并序余游韶彬東下湘



江今見覺公觀其禪學精明性源淳潔促膝而坐收光內照一衲之外無餘衣一鉢之外無餘食達生死岸破煩惱殼方今佛衣寂々今無傳禪理懸々今幾絕扶而興者其在吾師乎達者推心無濟物聖賢傳法不離真請師開說西來意七祖如今未有人

題僧房絕句

唐朝進士今日神仙足躡紫霧却返洞天

賜齊州李希遇詩云

少飲欺心酒休貪不義財福因慈善得禍向巧姦來

景福寺題一聯

莫道神仙無學處古今多少上昇人

六言

春暖群花半開逍遙石上徘徊獨携玉律丹訣閑踏青莎碧苔古洞眠來九載流霞飲幾千杯逢人莫話他事笑指白雲去來

明胎息

密室靜存神陰陽重一斤煉成男女液嘖盡坎男津漸變逍遙體超然自在身更修功業滿旌鶴引朝真

警世

二八佳人體似酥腰間仗劍斬凡夫雖然不見人頭落暗裏教君骨髓枯



通道

通道復通玄名留四海傳交親一柱杖和氣兩空拳要果
遂巡種思茶逐旋煎豈知來混世不久却回天

為賈師雄發明古鐵鏡

手內青蛇凌白日洞中仙果艷長春須知物外煙霞客不
是塵中磨鏡人

崔中舉進士游岳陽遇真人錄沁園春詞詰其
姓名薦之李守排戶而入惟見留詩于壁

腹內嬰兒養已成且居廬市暫娛情無端措大剛饒舌却
入白雲深處行

題詩紫極宮

宮門一開入臨水憑欄立無人知我來朱頂鶴戲急

閑題


獨自行來獨自坐無限世人不識我惟有城南老樹精分
明知我神仙過

山隱

松枯石老水縈迴個裡難教俗客來檯眼試看山外景紛
紛風急障黃埃

絕句

息精息氣養精神精養丹田氣養身有人學得這般術便
是長生不死人
斗笠為帆扇作舟五湖四海任遨遊大千沙界須臾至石



爛松枯經幾秋。
或爲道士或爲僧。混俗和光別有能。苦海翻成天上路。毘盧常點百千燈。

勸世

一毫之善與人方便。一毫之惡勸君莫作。衣食隨緣自然快樂。笑是甚命。問什麼卜。欺人是禍。饒人是福。天眼昭昭。報應甚速。諦聽吾言。神飲鬼伏。

瑤頭坯歌

瑤頭坯隨雨破。祇是未曾經水火。若經水火燒成磚。留向世間住。萬年稜角堅。完不復壞。扣之聲韻堪磨鐫。凡水火尚成功。堅完萬物誰能同。修行路上多少人。窮年煉養費

精神不道未曾至。水火無常一旦臨。君身既不悟。終不悔死了。猶來惜精体。主持正念太艱辛。一失人身爲異類。君不見洛陽富鄭公。說與金丹如盲聾。執迷不悟修真理。焉知潛合造化功。又不見九江張尚書。服藥失明神氣枯。不知還丹本無質。翻餌金石何太愚。又不見三衢趙樞密。恭禪作鬼終不識。修完外躰在何邊。辯捷語言終不實。瑤頭坯隨雨破。更似修行這幾個。大丈夫起覺性了。盡空門不爲證。伏羲傳道至于今。窮理盡性至于命。了命如何是本元。先認坎離并四正。坎離即是真常家。見者超凡湏入聖。坎是虎。離是龍。二躰本來同一宮。龍吞虎啗居其中。離合浮沉初復終。剝而復否而泰。進退往來定交會。弦而望明。



而晦消長盈虛相匹配神仙深入水晶宮時飲醍醐清更
釀餌之千日功便成金筋玉骨身已輕此箇景象惟自身
上升早得朝三清三清聖位我亦有本來只奪乾坤精飲
凡酒食臙腥補養元和冲更盈自融結轉光明變作珍珠
飛玉京須臾六年腸不餒血化白膏肓雖踐不食方爲真
絕根真氣薰蒸肢體強既不食超百億口鼻都無凡喘息
真人以彈凡以喉後此真凡兩邊立到此處成無漏身胎
息丹田湧真火老氏自此號嬰兒火候九年都經過留形
住世不知春忽爾天門頂中破真人出現大神通從此天
仙可相賀聖賢三教不異門昧者勞心體恁麼有識自愛
生有形終不滅嘆愚人空駕說愚人流蕩無則休落趣循

環幾時徹學人學人細尋覓且須研究古今金碧金碧忝同
不記年妙中妙兮玄中玄


敲爻歌

漢終唐國飄蓬客所以敲爻不可測縱橫逆順沒攔靜
則無爲動是色也飲酒也食肉守定胭花斷淫慾行歌唱
詠胭粉詞持戒酒肉常充腹色是藥酒是祿酒色之中無
拘束只因花酒悞長生飲酒帶花神鬼哭不破戒不犯淫
破戒真如性即沉犯淫壞失長生寶得者須由道力人道
力人真散漢酒是良朋花是伴花街柳巷覓真人真人只
在花街翫摘花戴飲長生酒景裡無爲道自昌一任群迷
多咲怪仙花仙酒是仙鄉到此鄉非常客姪女嬰兒生喜




樂洞中常採四時花七七結就長生藥長生藥採花心花
藥層上艷麗春時人不達花中理一訣天機真萬金謝天
地感虛空得遇仙師是祖宗附理低言玄妙旨提上蓬萊
第一峰第一峰是仙物惟產金花生恍惚口口相傳不記
文須得靈根骨髓堅髓骨煉靈根片片桃花洞裏春七七
白虎雙雙養八八青龍總一斤真父母送元宮木母金公
性本溫十二宮中蟾魄現時地魄降天魂鉛初就未初
生玉爐金鼎未經烹一夫一婦同天地一男一女合乾坤
庚要生甲要生生甲生庚道始萌拔取天根並地髓白雪
黃芽自長成鉛亦生汞亦生汞生鉛一處烹煉不是
精和液天地乾坤日月精黃瘦匹配得團圓時刻無差口

付傳八卦三元全藉求五行四象豈離鉛汞生汞生鉛
奪得乾坤造化權杳杳冥冥生恍惚恍惚結成團性
須空意要專莫遣猿猴取次攀花露初開切忌觸鎖居上
釜勿抽添玉爐中文火燦十二時中惟守一此時黃道會
陰陽三性元宮無漏泄氣若行真火煉莫使玄珠離寶殿
加添火候切防危初九潛龍不可煉消息火刀圭變大地
黃芽都長遍五行數內一陽生二十四氣排珠宴火足數
藥方成便有龍吟虎嘯聲三鉛只得一鉛就金菓仙芽未
現形再安爐重立鼎跨虎乘龍離凡境日精纔現月華凝
二八相交在壬丙龍汞結虎鉛成咫尺蓬萊抵一程坤鉛
乾汞金丹祖龍鉛虎汞最通靈達此理道方成三萬神龍



護水晶守時定日明符刻專心惟在意虔誠黑鉛過採清
真一陣交鋒定太平三車搬運珠寶送歸寶藏自通靈
天神佑地祇迎混合乾坤日月精虎嘯一聲龍出窟鸞飛
鳳舞出金城硃砂配水銀停一派紅霞列太清鉛池迸出
金光現汞火流珠入帝京龍虎媾外持盈走聖飛靈在寶
瓶一時辰內金丹就上朝金闕紫雲生仙桃熟摘取餌萬
化來朝天地喜齋戒等候一陽生便進周天叅同理叅同
理煉金丹水火薰蒸透百關養胎十月神丹結男子懷胎
豈等閑內丹成外丹就內外相接和諧偶結成一塊紫金
丸變化飛騰天地久丹入腹非尋常陰形剥盡化純陽飛
昇羽化三清客名遂功成達上蒼三清客駕瑤輦跨鳳騰

齊入太虛似此逍遙多快樂遨遊三界最清奇太虛之上
脩真士朗上圓成一物無一物無唯顯道五方透出真人
貌仙童仙女彩雲迎五明宮內傳真誥傳真誥話幽情只
是真鉛煉汞精殷聞緣覺水消散外道修羅縮項驚點枯
骨立成形信道天梯似掌平九祖仙靈得起脫誰羨繁華
貴與榮尋烈士覓真才同安爐鼎化凡胎若是慳財并惜
寶千萬神仙不肯來修真士不安說妄說一句天公折萬
劫塵沙道不成七竅眼睛皆迸血貧窮子發誓切待把凡
流盡提接同越蓬萊仙會中凡景煎熬無了歇塵世短更
思量洞裏乾坤日月長堅志苦心三三載百千萬劫壽彌
疆達聖道顯真常虎兇刀兵更不傷水火交龍無損害拍



手天宮咲一場這些功真奇妙分付與人誰肯要愚徒死
戀色和財所以神仙不肯召真至道不擇人豈論高低富
與貧且饒帝子共王孫湏去繁華銚銳分嗔不除慙不改
墮入輪迴生死海堆金積玉滿山川神仙冷笑應不彩名
非貴道極尊聖七賢七顯子孫腰間跨玉騎驕馬瞥見如
同隙裏塵隙裏塵石中火何在留心爲久計苦七煎熬換
回奪利爭名如鼎沸如鼎沸求沉淪失道迷真業所根有
人平却心頭棘便把天機說與君命要傳性要悟入聖超
凡由汝做三清路上少人行畜類門前爭入去報賢良休
慕顧性命機關守護若還缺一不芳菲執着波查應失路
只修性不修命此是修行第一病只修祖性不修丹萬劫

陰靈難入聖達命宗迷祖性恰似鑪容無寶鏡壽同天地
一愚夫權物家財無主柄性命雙修玄又玄海底洪波駕
法船生擒活捉蛟龍首始知匠手不虛傳

三字訣

這箇道非常道性命根生死竅說着醜行着妙人人憎箇
箇笑大關鍵在顛倒莫厭穢莫計較得他來立見効地天
泰爲朕兆口對口竅對竅吞入腹自知道藥苗新先天兆
審眉間行逆道滓質物自繼紹二者餘方絕妙要行持令
人叫氣要堅神莫耗着不行空老耄認得真老還少不知
音莫語告此兒法合大道精氣神不老藥讀作要靜靜
裡金明中報乘鳳寫聽天詔



百字禪


養氣忘言守降心爲不爲動靜知宗祖無事更尋誰真常
須應物應物要不迷不迷性自住性住氣自回氣回丹自
結壺中配坎離陰陽生返復普化一叢雷白雲朝頂上甘
露酒須彌自飲長生酒逍遙誰得知坐聽無弦曲明通造
化機都來二十句端的上天梯

新刊道書全集純陽呂真人文集卷之七

詩記歌詞

贈劉方處士

六國愁看沉與浮
琴長嘯出神州
擬向煙霞煮白石
偶來城市見丹丘
受得金華出世術
期於紫府駕雲遊
年來摘得黃巖翠
琪樹參差連地肺
露飄香隴玉笛滋
月上碧峯丹鶴唳
洞天消息春正深
仙路征還俗難繼
忽因乘輿下白雲
與君邂逅於塵世
塵世相逢開口希
共論太古同流志
瑤琴寶瑟與君彈
瓊漿玉液勸我醉
上中一話興亡事
云道恁無珪組累
浮世短景倏成空
石火電光看即逝
韶年淑質曾非固
花面玉顏還作土
芳樽但繼曉復昏
樂



百字禪


養氣忘言守降心爲不爲動靜知宗祖無事更尋誰真常
須應物應物要不迷不迷性自住性住氣自回氣回丹自
結壺中配坎離陰陽生返復普化一叢雷白雲朝頂上甘
露酒須彌自飲長生酒逍遙誰得知坐聽無弦曲明通造
化機都來二十句端的上天梯

新刊道書全集純陽呂真人文集卷之七

詩記歌詞

贈劉方處士


六國愁看沉與浮
琴長嘯出神州
擬向煙霞煮白石
偶來城市見丹丘
受得金華出世術
期於紫府駕雲遊
年來摘得黃巖翠
琪樹參差連地肺
露飄香隴玉笛滋
月上碧峯丹鶴唳
洞天消息春正深
仙路征還俗難繼
忽因乘輿下白雲
與君邂逅於塵世
塵世相逢開口希
共論太古同流志
瑤琴寶瑟與君彈
瓊漿玉液勸我醉
上中一話興亡事
云道恁無珪組累
浮世短景倏成空
石火電光看即逝
韶年淑質曾非固
花面玉顏還作土
芳樽但繼曉復昏
樂



事不窮今與古何如識箇玄道在杳冥須細考壺中
一粒化奇物比外千年功力與但能制得水中華水火翻
成金丹竈丹就人間不久居自有碧霄元命誥玄州賜谷
悉可居地壽天齡永相保驚車鶴駕逐雲飛迢迢瑤池應
易到耳聞爭戰還傾覆眼見研華成枯槁唐家舊國盡荒
蕪漢室諸陵空白草蜉蝣世界實足悲樵花性命莫遲遲
珠璣溢屋非爲福羅綺滿箱徒自危志士戒貪惜所重達
人忘欲寧自期劉方審聽我流光迅速如飛過陰姪
果決用心除尸鬼因循爲汝禍八瓊秘訣君自識莫待銓
空車又破比車壞銓須震驚直遇伯陽應不可悠之憂家
復憂國耗盡三田元宅火咫尺玄關若要開憑君自解黃
金鎖

寄白龍洞劉道人

玉走金飛兩曜忙始聞花發又秋霜徒誇錢壽千來歲也
似雲中一電光一電光何太疾百年都來三萬日其間寒
暑互煎熬不覺童顏暗中失縱有兒孫滿眼前却成思愛
轉牽纏及乎精竭身枯朽誰解教伊暫駐顏延年之道既
無計不免將身歸逝水但看古往聖賢人幾個解留身在
世身在世也有方只爲時人誤度量競向山中尋草藥伏
銓制永點丹陽點丹陽事迥別須向坎中求赤血取來离
位制陰精配合問和有時節時節正用媒人金翁姪女結
親姻金翁偏愛騎白虎姪女常駕赤龍身虎來靜坐秋江



裏龍向潭中奮身起兩獸相逢戰一場波浪奔騰如鼎沸
黃婆丁老助威靈撼動乾坤走神鬼湏臾戰罷雲氣收種
個玄珠在泥底從此根芽漸長成隨時灌溉抱真情十月
脫胎吞入口忽覺凡身已有靈此箇事世間稀不是等閑
人得知宿世若無仙骨分容易如何得遇之金液丹宜便
煉火都光景急如箭要取魚須結筌何不收心煉取鉛莫
教燭被風吹滅六道輪迴難怨天近來世上人多詐盡著
布衣稱道者問他金木是何般噤口不言如害啞却云服
氣與休糧別有門庭道跡長豈不見陰君破迷歌裡說太
乙含真法竅強莫怪言詞太狂劣只爲時人難鑒別惟君
心與我心同方敢傾心與君說

贈喬二郎

與君相見皇都裏陶_匕動便經年醉_匕中往_匕愛藏真亦
不爲他名與利勸君休戀浮華榮真湏奔走煙霞程煙霞
欲去如何去先湏肘後飛金晶金晶飛到上宮裡上宮下
宮通光明當時王永消_匕生奔歸元海如雷般從此夫妻
相際會歡娛踴躍情無外水火都來兩半間卦候翻成天
地泰一浮一沉陽煉陰_匕盡方知此理深到底根元是何
物分只是是水中金喬公喬公急下手莫逐鳥飛燕兔走
何如修煉作真人塵世浮生終不久人道長生沒得來自
古至今有_匕

鄂渚悟道歌



縱橫天際爲閑客時遇季秋重陽節陰雲一布遍長空膏
澤連綿滋萬物因雨泥滑門不出忽聞隣舍與丹術試問
隣公可相傳一言許肯更無難數篇奇恠文入手一夜挑
燈讀不了曉來日早纔看畢不覺自醉如恍惚恍惚之中
見有物狀如日輪明突岫自言便是丹砂精宜向鼎中烹
凡質凡質本來不化真化真須得真中物不用鉛不用汞
還丹須向爐中種玄中之玄號真鉛及至用鉛還不用或
名龍或名虎或號嬰兒并姪女丹砂一粒名千歲一中有
一爲丹母火莫燃水莫煉修之煉之須珍重直待虎嘯折
顛峯驪龍奪得玄珠弄龍吞玄寶忽昇飛上龍被我捉來
騎一蕭上朝歸碧落廣瀾無東無西無曉無夜無年

月無寒無暑無四時自從修到無爲地始覺奇之又怪之
又記

數載樂幽幽欲避寒暑逼不求名與利猶恐身心役苦志
慕黃庭慙懃求道跡陰功暗心修善行長日積世路果逢
師時人皆不識我師機行密懷量性孤僻解把五行移能
將四象易傳余造化門始悟希夷則服取兩般真從頭路
端的烹煎日月壺不離乾坤側至道眼前觀得之元咫尺
真空空不空真色色非色推倒玉葫蘆迸出黃液紫把赤
龍頭猛將驪珠吸吞婦臍腑中奪得神仙力妙號一黍珠
延年千萬億同途聽我吟與道相親益未曉真黃芽徒勞
遊紫陌把住赤鳥魂突出銀蟾魄未省此中玄常流容易



易測三天應有路九地終無厄守道且藏愚忘機要混迹
群生莫相輕已是蓬萊客

秘訣歌

求之不見來即不見不見君之素面火裏曾飛水中亦見
道路非遙身心不戀又不知有返陰之龜回陽之鴈遇即
遇其人達即達其神一萬二千甲子這一壺流霞長春流
霞流霞本性一家飢飧日精渴飲月華將甲子丁丑之歲
與君決破東門之大菰


勉牛生夏族生

二秀才二秀才今非秀才非秀才乃是仙才中華國裡親
遭遇仰面觀天咲眼開鶴形兮龜骨龍吟兮虎顏我有至

言相勸勉願君兮勿猜勿猜但照日吹月嚙雨呵雷火寄
冥宮水濟丹臺金木交而土歸位鉛汞分而丹露胎赤血
換而白乳流透九竅今動百骸然上卷然上舒京上哈上
孩兒喘而不灰腹空虛今長齋酬名利今狂歌醉舞酬富
貴兮麻綴莎鞋甲子間時休記看桑田變作黃埃青山白
雲好居住勸君歸去來兮歸去來

谷神歌


我有一腹空谷虛言之道有又還無言之無兮不可捨言
之有兮不可居谷兮谷兮太玄妙神兮神兮真大道保之
守之不灰名修之煉之神仙號神得一以靈谷得一以盈
若人能守一只此是長生本不遠離身還不見煉之功若



成自然凡骨變谷神不死玄牝門出入綿綿道若存修煉
還須夜半子河車搬載上崑崙龍又吟虎又嘯風雲際會
黃婆叫火中姪女正含嬌回觀水底嬰兒俏嬰兒姪女見
黃婆兒女相逢兩意和金殿玉堂門十二金翁木母正來
過重門過後牢關鎖點檢斗牛先下火進火消陰始一陽
千歲仙桃初結果曲江東岸金烏飛西岸清光玉兔輝烏
兔走歸峰頂上爐中姪女脫青衣脫却青衣露素軀與君
扶入重帟裏十月情濃產一男說到長生永不死勸君煉
勸君修谷神不死此中求此中悟取玄微處與君白日上
瀛洲

修身訣三首

人命急如線上下往來速如箭認得是元神子後午前須
至煉隨意出隨意入天地三才人得一既得一勿遺失失
了未求無一物嗟嘆荒郊塚墓中自古滅亡不知屈
煙花爛熳人事悠々得之者一氣吞元失之者三泉昧景
至藥龍居虎位虎據龍宮當龍虎混合之時認恍惚杳冥
之跡大電霹而神莫爲迅雷烈而神莫知去彼取此功用
資父視之功卽是神僊之妙
先住其子後覓其母率首爲宗擒和正取水伏其火龍引
其虎得自兩眉始應玄牝雷驚電杳無非黃蓋之家金液
瓊漿盡屬丹池之寶老子之術盡於斯矣嗟夫金玉滿堂
莫之能守也



長短句

落魄且落魄夜宿鄉村朝遊城郭閑來無事翫青山困來
街市貨丹藥賣得錢不筭度酤美酒自斟酌醉後吟哦動
鬼神任意日頭向西落

直指大丹歌

三清宮殿隱崑崙日月光浮起紫煙池沼泓_々翻玉液樓
臺壘_々運靈泉青龍乘火鉛為汞白虎騰波汞作鉛欲得
坎男求配偶須憑離女結因緣黃婆設盡千般計金鼎開
成一朶蓮列女擎烏當左畔將軍戴兎鎮西邊黑龜却伏
紅爐下朱雀還栖華閣前然後澄神窺見影三周功就駕
雲駢

漁父詞一十八首

入定

閉目藏真神思凝杳冥中裡見吾宗無邊畔迥朦朧玄景
觀來覺盡空


初九

大道從來屬自然空堂寂坐守機關三田寶鎮長存赤帝
分明坐廣寒

玄用

日月交加曉夜奔崑崙頂上定乾坤真鏡裏實堪論發靈
紅霞曉寂門

神効



恍惚擒來得自然。偷他造化在其間。神鼎內火烹煎盡歷
陰陽結作丹。

沐浴

卯酉門中作用時。赤龍時蘸玉清池。雲薄薄。雨微微。看取
嬌容露雪肌。

延壽

子午常飡日月精。玄關閉戶落還局。長如此過平生。且把
陰陽仔細烹。

瑞鼎

會合都從戊己家。金鉛水汞莫須誇。只此物結丹砂。反覆
陰陽色轉華。

活得

位立三才屬五行。陰陽合處便相生。龍飛踴虎狂獐吐管
神珠各戰爭。

燦爛


四象分明八卦周。乾坤男女論綢繆。交會處更嬌羞。轉覺
情深玉體柔。

煉質

運本還元於此尋。周流金鼎虎龍吟。身不老。俗難侵。貌返
童顏骨變金。

神異

還返初成立。變童瑞蓮開。處色輝紅金。鼎內迴朦朧。換骨



添筋處處同

知路

那箇仙經述此方忝同大易顯陰陽須窮取莫顛狂會者
名高道自昌

朝帝

九轉功成數盡乾開爐撚鼎見金丹飡餌了別塵寰足躡
青雲突上天

方契理

舉世人生何所依不求自己更求誰絕嗜慾斷食癡莫把
神明暗裏欺

自無憂

學道初從此處修斷除貪愛別嬌柔長守靜處深幽服氣
食霞飽即休

作甚物


貪貴貪榮逐利名追遊醉後戀懽情年不永代君驚一報
身終那裏生

疾瞥地

萬劫千生得箇人須知先世種來因速覺悟出迷津莫使
輪迴受苦辛

常自在

閉目尋真自歸玄珠一顆出輝煌終日翫莫拋離莫使
闍王遣使追



夢江南詞十一首

淮南法淮南法秋石家堪誇位應乾坤白露節象移寅卯
載河車子午結朝霞

王陽術王陽術得秘是黃芽萬藥初生將此類黃鍾應律
始歸家十月定君誇

黃帝術黃帝術玄妙美金華玉液初凝紅粉見乾坤覆載
暗交加龍虎變成砂

長生術長生術玄要補泥丸彭祖得之年八百世人因此
轉傷殘誰是識陰丹

陰丹訣陰丹訣三五合玄圖一八應機堪採運玉瓊回道
免榮枯顏貌勝凡妹

長生術長生術初九秘潛龍慎勿從高宜作客丹田流注
氣交通耆老反嬰童


修身客修身客莫誤入迷津氣術金丹傳在世象天象地
象人身不用問東鄰

還丹訣還丹訣九九寂幽玄三性本同一體內要燒靈藥
切尋鉛尋得是神僊

長生藥長生藥不用問他人八卦九宮看掌上五行四象
在人身明了自通神

學道客學道客修養莫遲遲光景斯須如夢裏還丹粟粒
變金姿死去莫回歸

治生客治生客審細察微言百歲夢中看即過勸君修煉



保尊年不久是神仙



新刊道書全集純陽呂真人文集卷之八

西江月八首

着意黃庭歲久留心金碧年深爲憂白髮鬚相侵仙訣朝
朝討尋 秘要俱皆覽過神仙奧旨重吟至人親指水中
金不負平生志心

任是聰明志士常迷東竈黃庭參同大易事分明不曉如
醉難醒 若遇高人指引都來不費功程北方坎子是金
精認得黃芽方盛

世有學人無數愚癡妄意如麻汞鉛錯認結爲砂運火欲
覓黃芽 千日虛勞心力人人盡破其家真鉛似玉本無
瑕將鳳欲比狂騷



保尊年不久是神仙



新刊道書全集純陽呂真人文集卷之八

西江月八首

着意黃庭歲久留心金碧年深爲憂白髮鬚相侵仙訣朝
朝討尋 秘要俱皆覽過神仙奧旨重吟至人親指水中
金不負平生志心

任是聰明志士常迷東竈黃庭參同大易事分明不曉如
醉難醒 若遇高人指引都來不費功程北方坎子是金
精認得黃芽方盛

世有學人無數愚癡妄意如麻汞鉛錯認結爲砂運火欲
覓黃芽 千日虛勞心力人人盡破其家真鉛似玉本無
瑕將鳳欲比狂騷



至道不煩不遠至人只在目前淮王煉石得冲天漢世已
經千年全在低心下人事該緣分偶然安爐致鼎盡周
圖須得永去投鈞

聽說金公兩字何物喚作金孫尋枝尋葉必知根無智便
乃心昏若用凡鉛爲體都來少魄無魂水銀漸結必難
存秘訣要處誰論

真假兩般玄字金公所料重迷凡鉛縱與岳山齊不肯假
與金妻聽說真鉛住處他家跳在溪溪兩情恩愛事因
媒義重爭敢東西


水火運來周歲四六勿錯如初水多火少失功夫勝地方
始安爐直須認鼎與藥却如雞子無殊內黃外白結凝

酥一顆圓明汞珠

彼此離於生處火遭水破驚忙分身各自擬溪藏半路再
遣蕭郎夫爲無衣素體妻因水浸衣黃丙丁甲乙有形
相剋遣令合陰陽

沁園春

七返還丹在人先須煉已待時正一陽初動中霄漏永溫
溫鉛鼎光透簾幃造化爭馳虎龍交媾進火功夫牛斗危
牛斗危玉蟾訣亦云妙在危巖曲江上看月華瑩淨有箇
鳥飛當時自飲刀圭又誰信無中養就兒辨水源清濁
金木間隔不因師指此事難知道要玄微天機深遠下手
速修猶太遲蓬萊路待三千行滿獨步雲歸



心空道亦空風靜林還靜捲盡浮雲月自明中有山河影
供養及修行舊話成重省豆爆生蓮火裏時痛撥寒灰

卜筮十

步蟾宮

坎離坤兌逢子午須認取自家根祖地雷震動山頭雨要
洗濯黃芽土捉得金精牢閉錫煉甲庚要生龍虎待他
問汝甚人傳但說道先生姓呂向有一太守好道令妓者
唱道情詞曲效無以應命
遂迎方士求之忽有道人過門索酒題詞于壁而去次日
敝左公筵以此歌之太守驚問欲求道人竟失其踪方笑
其為呂公也故亦因此脫籍

滿庭芳

大道淵源高真隱秘風流豈可知聞先天一氣清濁自凝
分不識坎離顛倒誰能辨金木浮沉幽微處無中產有潤
畔虎龍吟壺中真造化天精地髓陰陽魂運周天水
火燮理寒溫十月脫胎丹就除此外皆是傍門君知否塵
寰走徧端的少知音

醉江月

仙風道骨顛倒運乾坤平分時節金木相交坎離位一粒
刀圭凝結水虎潛形火龍伏體萬丈毫光列仙花朵秀聖
男靈女板折霄漢此夜中秋銀蟾離海狼捲千層雪此
是天關地軸誰解推窮圓缺片餉工夫霎時丹聚到此憑
何訣倚天長嘯洞中無復風月



水龍吟

目前咫尺長生路多少愚人不悟愛河浪濶洪波風緊丹
船難渡略聽仙師語到彼岸只消一句煉金丹換了凡胎
濁骨免輪迴三塗苦

萬事澄心定意聚真陽歸一處分明認得靈光真趣本
來面目此個幽微理莫容易等閑分付知蓬萊自有神仙
伴侶同携手朝天去

沁園春

火宅牽纏夜去明來早晚無休奈今日不知明日事波
劫劫有甚來由人世風燈草頭珠露我見傷心眼泪流不
堅久似石中迸水火上浮漚休聞早回頭把往日風


流一筆勾但簾衣淡飯隨緣度日任人笑我乚又何求限
到頭來不論貧富看甚忙日夜憂勸年少把家緣棄了
海上來遊

浪淘沙

我有屋三椽住在靈源無遮四壁任蕭然萬家森羅爲斗
拱瓦蓋青天無漏得多年結就因緣修成功行滿三千
降得火龍伏得虎陸地神仙

沁園春

詩曲文章任汝空留數千萬篇奈日推一月推一月今
年不了又待來年有限光陰無涯火院只恐蹉跎老却賢
貪癡漢望成家學道兩事雙全凡夫只戀塵緣又誰信



壺中別有天，這道本無情。不親富貴，不疎貧賤，只要心堅。
不在勞神，不須苦行，息慮忘機，合自然。長生事待明公放，
下方可相傳。

薛夢遮

天不高地不大，惟有真心物。俱含載，不用之時，全體在。
用卽年來，高萬家，周沙界。虛無中，塵色內，盡是還丹。歷
歷堪收採，這箇鼎爐解不鮮。養就靈鳥，飛出光明海。


雨中花 題岳陽樓

三百年間功，標青史，幾多俱委埃。塵悟黃梁，棄儒事，厭世
臧身。將我一枝丹桂，換他千載青春。岳陽樓上，綸巾羽扇，
誰識天人。蓬萊願應仙舉，誰知會合仙賓。遙想望吹笙

玉殿奏舞，寫裊風馭雲駢，不散碧桃。紫捺長新，願逢一粒
九霞光裏，相繼朝真。

促拍滿路花 題長安酒樓柱


西風吹渭水，落葉滿長安。落葉滿長安，落葉滿長安。落葉滿長安，落葉滿長安。
虎繞與龍盤，九轉丹砂就一粒。刀圭便成陸地神仙。從
他富貴擁車，到了亦徒然。黃梁猶未熟，夢驚殘，是非海
裏終久立身難。拂袖江南去，白蘋紅蓼，再遊滄浦廬山。



純陽呂祖集後序

右有唐真人純陽呂祖集共八卷本傳及靈跡三卷詩歌
五卷不知哀于何人自宋乾道間已刊布于世凡為五七
言律若干首五七言絕句若干首歌詞若干首或專闡玄
旨或因人規諷或自況寄情皆所以發揮妙迪啓後人要
非徒作夫僊真以道相授自黃帝廣成子崆峒問荅之後
已有玄言見于載籍嗣後述作貽世者代不乏人至唐呂
祖則度人誓願尤為深重由唐貞元暨今旦八百年而分
身化現殆無日不在世間接引種人猶慮遇舍不易又撰
為詩歌傳布焉甚盛心也今之學道之士欲見祖者蓋人
人而然然使見而不能行其道與不見何異故予謂欲見

國家圖書館, NATIONAL CENTRAL LIBRARY, TAIWAN, R.O.C.



祖者且無如熟復此集凡祖之精神命脉與其所以開悟
學徒者蓋莫詳焉矣昔司馬子微自謂讀天隱子三年而
天隱子出焉授以口訣此真篤于求道者之效也世人讀
此集有如司馬真人安知呂祖不出而親為點化也哉是
集江南舊無善本予得大名府尹姚汝循公本頗佳又諸
本皆無獻父歌及百字碑三字訣等篇靈跡中又濫收猥
褻一二事不雅馴皆為刪補字之訛舛者正之序之無關係
者去之其卷次位置不敢擅更則欲存其舊也爰命重書授之
梓人公于四方庶同志者便手觀覽而予不自度輒綴此數語
于末簡匪徒諷人亦用自省焉
萬曆十年歲在癸未福建建寧府浦城雲石楊良弼謹識

